



曲阜縣志卷之五十二

知縣楚安劉潘相修

類記第四之十七

男承炳編

金石

魏魯孔子廟碑云維黃初元年大魏受命蔭軒轅之高蹤紹虞氏之遐統應歷數以改物揚仁風以作教於是揖五瑞班宗爨鈞衡石同度量秩羣祀於無文順天時以布化既乃緝熙聖緒昭顯上世追存二代三恪之禮兼紹宣尼褒成之後以魯縣百戶命孔子廿一世孫議郎孔羨爲宗聖侯以奉孔子之祀制詔三公曰昔仲尼姿大聖之才懷帝王之器當衰周之末而無受命之運○○乎魯衛之朝教化乎洙泗之上栖栖焉皇皇焉欲屈已以存道貶身以救世於是王公終莫

豐縣志卷五十二

金石

一

能用乃退考五代之禮修素主之事因魯史而制春秋就太師而正雅頌俾千載之後莫不采其文以述作仰其聖以成謀咨可謂命世大聖億載之師表者已遭天下大亂百祀墮壞舊居之廟毀而不修褒成之後絕而莫繼闕里不聞講誦之聲四時不睹蒸嘗之位斯豈所謂崇化報功盛德百世必祀者哉嗟乎朕甚憫焉其以議郎孔羨爲宗聖侯邑百戶奉孔子之祀令魯郡修其舊廟置百石吏卒以守衛之又於其外廣爲屋宇以居學者於是魯之父老諸生遊士睹廟堂之始復觀俎豆之初設嘉聖靈於髮髯想貞祥之來集乃慨然而嘆曰大道衰廢禮學滅絕并餘年皇上懷仁聖之懿德兼二儀之化育廣大苞於無方○恩淪於不測故自受命以來

天人咸和神氣烟煴嘉瑞踵武休徵屢臻殊俗解編髮而慕
義遐夷越險阻而來賓雖太皓遊龍以君世虞氏儀鳳以臨
民伯禹命元宮而爲夏后西伯由岐社而爲周文尚何足稱
於大魏哉若乃紹繼微絕興修廢官疇咨稽古崇配乾坤允
神明之所福祚宇內之所歡欣已豈徒魯邦而已哉爾乃感
殷人路寢之義嘉先民泮宮之事以爲高宗僖公蓋嗣世之
王諸侯之國耳猶著德於○頌騰聲乎千載况今聖皇肇造
區夏創業垂統受命之日曾未下輿而褒美大聖隆化如此
能無頌乎乃作頌曰煌煌大魏受命溥將○體黃虞含夏苞
商降釐下土○清三光群祀咸秩靡事不綱嘉彼元聖有邈
其靈遭世霧亂莫顯其榮褒成旣絕寢廟斯傾闕里蕭條靡
歆靡馨我皇悼之尋其世武乃建宗聖以紹厥後修復舊堂
豐其費宇莘莘學徒爰居爰處王教旣新群小遄沮魯道以
興永作憲矩洪聲登假神祇來和休徵雜還瑞我邦家內光
區域外被荒遐殊方慕義搏拊揚歌於赫四聖運世應期仲
尼旣没文亦在茲彬彬我后○而五之○於億載如山之基

曹縣志卷五十二 金石

金石

二

魏黃初二年立在同文門內碑末鐫魏陳思王曹植詞梁
鶴書宋嘉祐七年張雅圭按圖謹記洪适跋云碑云黃初
元年而史作二年誤也後漢孔僖傳注以美爲崇聖侯亦
誤也文帝履位之初首能尊崇先聖刊寫琬琰知所本矣
使其味素王之言行六經之道則豈止鼎峙之業而已哉
魏隸可珍者四碑此爲之冠甚有石經論語筆法大饜蓋
不相遠若繁昌兩碑則自是一家亦有以爲鶴書非也趙
頌云梁鶴字孟星學書於師宜官舉孝廉官至選部尚書
梁武評其書云龍威虎震劍拔弩張此碑結體古質道健
未知果爲鶴書否朱彙尊云碑文稱元年魏志作二年洪
适謂誤在史原受禪之始在漢延康元年十一月卽改黃
初是歲且將終碑有旣乃之文則下詔在明年正月史木

必誤若章懷太子注孔僖傳以宗聖爲崇聖斯則誤矣萬
經云碑額題篆魯孔子廟之碑六字文二十三行行四十
二字制詔皇上聖皇及煌煌大魏皆別起曹不四碑大饗
余未之見隸釋謂繁昌兩碑自是一家良是乃獨盛誇此
碑而以爲四碑之冠未必然也魏勸進受禪兩碑匪特大
小體式毫髮不爽而氣味蒼古絕無低昂自出一手無疑
特受禪筆鋒差瘦耳右軍云之許下觀梁鵠鍾繇書顏平
原以受禪爲鍾今雖未能定爲誰氏要知非鍾梁不能矣
孔美碑畫肥重而整作意鈎處尤無收拾如乃可哉等字
殊不耐看直開史惟則粗俗一派與前二碑迥別卽果如
後題陳思王詞梁鵠書亦鴛書其下者太乙乃云勸進蒼
勁而受禪方整與孔美碑酷肖其爲兩人無疑吾不知何
所見也

北魏魯郡太守碑云君諱猛龍字神圓南陽白水人也其氏
族分興源流所出故已備詳世錄不復具載○○○○盛○
鬱於帝王之始德星○○曜像於朱鳥之間淵玄萬壑之中
巖巖千峯之上奕葉清高煥乎篇牘矣周宣時○○張仲詩

豐縣志卷五十二

金石

三

人詠其孝友光緝姬宗中興是賴晉大夫張先春秋嘉其聲
績漢初趙景王張耳浮沉秦漢之間終跨列土之賞於○世
○君其後也魏明帝景初中西中郎將使持節平西將軍涼
州刺史瓊之十世孫八世祖軌晉惠帝永康中使持節安西
將軍護羌校尉涼州刺史西平公七世祖素軌之第三子晉
明帝大寧中臨羌都尉平西將軍西海晉昌金城武威四郡
太守還家武威高祖鍾○涼州武宣王大沮湮時建威將軍
武威太守曾祖璋僞涼業秀才本州治中○○○西海樂○
二郡太守還朝尙書祠部郎羽林監祖興宗僞涼都營護軍
建節將軍饒河黃河二郡太守父生樂○○○○○○○○
○○○○○○○○青衿之志白首方監君體稟河靈神

岳秀桂質蘭儀黠弱露以懷芳松心○節○○○○○○○
○○○朗若新蘅之當春初荷之出水入孝出弟邦間有名
雖黃金未應無慙郭氏友朋○○交遊○○○○○○○蒙○
人○年○七遭父憂寢食過禮泣血情深假使曾柴更世寧
異今德既傾乾覆唯恃坤慈冬溫夏清曉夕承奉家貧致養
不辭採○之勲年卅○丁母艱勺水不入偷魂七朝磬力盡
心備之生死脫時當○○無愧深歎每事過人孤風獨起令
譽日新聲馳天紫以延昌中出身除奉朝請優遊文省朋儕
慕其雅尚朝廷以君蔭○如此德○宣揚以熙平之年除魯
郡太守治民以禮移風以樂如傷之痛無怠於夙宵若子之
愛有懷於心目是使學校克修比屋清業農桑勸課田織以

登入境觀朝莫不禮讓化感無心草石知變恩及泉木禽魚
自安勝殘不待賒年有成期月而已遂令講習之音再聲於
闕里來蘇之歌復詠於洙○京兆五守無以克加河南二尹
裁可若茲雖名位未一風同昔人且易俗之言黃候不足比
功膏魚之感宓子寧獨稱德至乃辭金退玉之貞耿拔葵去
織之信義方之我君今猶古也詩曰愷弟君子民之父母實
恐韶曦逸影東風吹盡地黎庶逆深泣慕是以刊石題詠
以旌盛美誠不能式闡○○庶揚休烈辭曰○氏煥天文體
承帝聖神秀春方靈源在震積石千尋長松萬刃軒冕周漢
冠蓋魏晉河靈岳秀月起景飛窮神開照式○英徽高山仰
止從善如歸唯德是蹈唯仁是依栖遲下庭素心若雪鶴響

難留○音遐發天心乃眷光光王闕○綬紫○承華烟月妙
簡維賢剖符儒鄉分金沂道製錦鄒方春明好養溫而○霜
乃如之人實國之良禮樂○○○○○惟刑之恤小大以
情○○一洗濯此羣○雲塞天淨千里開明學建禮修風教
反正野畔讓耕林中○○○○○衣可改留我
明聖何以勿剪恩深在民何以鳧悖風化移新飲河止滿度
海迷津勒石崑○永○○○

右碑在同文門內篆額云魏魯郡太守張府君清頌之碑
共二十六行行四十六字末四行云盪寇將軍魯郡參北
平○○義主參軍事廣平宋撫民義主○○府騎兵
參軍○○府長史佐魯府治城軍主○○令宋○○義主本郡二
政主簿○○義主○路義主離○○○
陽縣義主南城令○孝武三年正月廿三日訖趙嶮云猛
簿王○生造頌四年正光三年正月廿三日訖趙嶮云猛
龍爲魯郡太守郡人立碑而頌之正書虬健已開歐虞之

豐縣志卷五十二

金石

五

門戶碑首正書大字十二九險勁又蘭臺之所自出也猛
龍不見史冊據碑諱猛龍字神回而金石錄有劉乾碑諱
乾字天魏人名字如此亦異矣今考字書無回
字疑回字之訛回古淵字也志之以俟博古者

東魏魯孔子廟碑云粵若稽古睿后欽明文思衡宰邁德不
顯九功成事故能庸勳親賢官方式敘惟大魏徙鄴之五載
皇帝興和之元年天○○吞寅賓出日實惟濟岱宣風敷化
義屬英良以君理思優敏實惟舊德升朝牧民物望斯允必
能絃歌鄒魯克振斯文○制○○冊拜我君公使持節都督
兗州諸軍事車騎大將軍當州大都督兗州刺史君姓李字
仲璇趙國柏仁人也其先帝高陽之苗裔柱史之蔭左車之
綿緒瑤光休彩赫奕於上齡若水嘉祥扶疎於季葉君以資
解褐奉朝請俄除定州平北府法曹參軍仍歷兗郡功曹諮

議叅軍事定相離三州長史東郡汲郡恒農三郡大守司徒
左長史中散太中大夫營構都將離兗二州刺史所在恩○
遺訓在民夫松桂易地而貞馥不移君鳳舉雲翔風期如一
斯實天懷直置妙與神同悒然不樂思仁未深刑平惠和詎
爲淳○○階資寵○之榮奕葉重光之貴氣韻優峻之奇
政績緝熙之美旣備於史傳與清頌故不復詳載焉君神懷
疎爽風度絕人學業○○源並深趣操○○松俱秀故其隸
兗部也當未浹句言觀孔廟肅恭致敬神如在遂軼車曲
阜飲馬沂流周遊眺覽尚想伊人○○慨然有○○功○○之
意乃命工人修建容像孔子曰從我於陳蔡者皆不及門也
因歷叙其才以爲四科之目生旣見從沒○○侍故顏氏○

○○於易辭起予者商紛綸於文誥是則聖人之道須輔
佐而成故曰吾有由也惡言不聞於耳所以雕素十子○○
其側今於○○○○奉進儒冠於諸徒亦青衿青領雖逝者
如斯風霜驟謝而淪姿舊訓曖似還新至如廟宇凝靜靈姿
嚴麗○○之○○無以踰七○之房不能出夫道繫於人人○
則道隱斯大義以之而乖微言以之而絕今聖容肅穆二五
成行丹素陸離光○○○○微笑而○言左右若承顏
而受業是以睹之者莫不忻忻焉有入室登堂之想斯亦化
○○一隅也天誕聖哲作民師○○風○闕里播○○洙泗
至於歎鳳鳥之寂寥傷河圖之莫出屢應聘而不遇知道德
之不行乃正雅頌修春秋刊理六經懸諸日月○○載之○

莫不遵○義以述作服其訓以成身茲可謂開闢之儒聖無窮之文宗者矣此地古號曲阜是惟魯都雖宮觀荒毀臺池○然其廟庭也蔚○林於九冬單修柯於百仞類神枯之侵漢同梧宮之巨圍至夫鴻隨秋下則月秀霜枝燕逐春來亦風開翠葉旣○○觀○亦足以安樂聖靈是以無代不加修繕誠億載以寧神君清明在躬精思入微功被人神德貫幽顯豈惟管飾宣質經創○○○○○如虔修岱像崇奉元宗敦素翦華輿存廢絕視民如傷○之仁壽體亾懷以幽○任萬物以爲心○直靈津孤灑虛光獨散者○夫一月之明可影百川一人之鑒縱橫萬趣爰自刺舉未或斯同然丹青所以圖盛迹金石所以刊不朽○○不鏽珞瑤焉述府

州佐○○○○令士民等略序義目樹碑廟庭俾後來君子知功業之若斯焉乃作頌曰二儀肇判人倫攸舉邈邈元王誕茲聖緒祖習堯舜憲章文武聲溢九天化覃八字祖習○窮神盡妙化覃伊何○○存教○同麗景搏天孤照無異岱宗巖巖特峭重山隱寶深霞秘暉在哀之葉自衛言歸德生於予文實在茲彛倫禮樂克敘書詩○○驚異灰管流氣良木其摧緬踰千祀以存恕亾允諸靈意不有伊人孰云修置惟君體道布政優優白鳩巢室赤雀棲樓禮罔不備知○○器冠後哲風邁前修旣繕孔像復立十賢誠兼岱宇勲盡重元仰聖儀之煥爛嘉鴻業之嬋聯長無絕兮終古永萬億兮斯年

右碑在今同文門內二十四行行五十一字趙頤云李仲璇爲兖州都督修孔廟建碑事在興和三年史官稱之是時高歡與宇文泰方雄鬪關洛而東魏又當遷都之際仲璇乃知改修孔廟崇尚文儒賢矣碑正書時作篆筆間以筆隸形容奇怪考古書法大小篆謂之篆東漢諸碑減篆正書謂之今隸亦謂之楷然則

如此碑篆耶分耶古今隸耶

北齊夫子廟碑云齊乾明元年歲○○○○月○○○○

○○○○○嚮引自○○○○○德所以

歷○○○○者其由○○平衛大○○○○○

字○○○○人○○魏安○○○○○南

○○○○鎮北將軍秘書監○○○○○公道

昭之第○○○○忠○帝○○州再○○○○○

○○○○之○○○○不具論○○高○長○○○

○○○○去盜○○旣○○諸

○○○○哉雖○○○○三○○○○○

○○○○高公會○○○○女○馭節○羣○○○○

○○○○來游○○○○○廢○○○而

○○○○久○○○○日豈○○○○

○○○○更○○○○命工人重爲鐫○○○○

○○○○總七○○○○海○○○○是

○○○○者更○○○○必○○○論

景行○○○○載○○○○東郭之○○○○

以終其○○○○○祠堂○○○○○

因○○○刊○○○
日○功

闕里文獻考云此碑隸法在唐碑上凡十九行行二十四字今可辨者纔百有二字耳闕里志不載其文而祖庭廣記亦云剝落不可考汾惜古碑消蝕故取其猶可識者節錄於冊

隋修孔子廟碑云若夫惟道惟德或仁或義既漸散於英華遂崩摧於禮樂天生大聖是曰宣尼雖有制作之才而無帝王之位膺期命世塞厄補空述萬代之典謨爲百王之師表始於漢魏爰逮周齊歷代追封秉圭不絕我大隋炎靈啓運翼下降生繼大庭之高跡紹唐帝之遐統憲章古昔禮樂維新偃伯修文尊儒重學以孔子三十二世孫前太子舍人吳

曲阜縣志卷五十二

金石

九

都主簿嗣哲封紹聖侯皇上萬幾在慮兆庶貽憂妙簡才能委之邑宰於此周公餘化惟待一變之期夫子遺風自爲百王之則禮儀舊俗餘何足云用能奉天旨敬先師勸孔宗修靈廟卽曲阜陳明府其人也明府名叔毅字子巖潁川許昌人昔堯之禪舜實釐女於有虞周室封陳亦配姬於媯滿漢右丞相建六奇之深謀魏大司空開九品之清議明府卽陳氏高祖武帝之孫高宗孝宣帝之子至如永嘉分國代歷五朝郭璞有言年終三百皇朝大統天下一家爲咸陽之布衣實南國之王子於是遊情庭宇削跡市朝砥礪身心揣摩道義策府蘭臺之祕籍雕蟲刻鶴之文章莫不成誦在心借書於手金作玉條之刑法桐囚木吏之奸情一見仍知片言能

折所謂江珠匿耀時虧滿月之明越劔潛光每動衝星之氣
爰降詔書乃降曲阜縣令風威遠至禮教大行政術始臨奸
豪屏息抑強扶弱分富恤貧部內清和民無疾苦重以德之
所感霜雹無災化之所行馬牛不繫鮪魚夜放早彰旣金之
篇乳雉朝馴自入鳴琴之曲遠嗤龐統不任百里之才俯笑
陶潛忽輕五斗之俸於是官曹無事囹圄常空接士迎賓登
臨遊賞睹泮水而思歌尋靈光而想賦加以祗虔聖道致敬
明神粉壁椒塗丹楹刻桷可謂神之所至無所不爲振百代
之嘉聲作千城之稱首敬鐫金石之文永同天地之固其詞
曰皇非常道帝實無爲時澆俗薄樸散淳離世道交喪仁義
爭馳書亾詩逸禮壞樂虧降生大聖再修墳史積善餘德追
崇不已於穆大隋明命天子新開紹聖重光闕里伊我陳君
清德遠聞溫溫玉潤苾苾蘭芬淵才亮美拔類超羣時逢上
聖以我爲令導之以德行之以政用此一心能和百姓子還
名賈兒多字鄭奸雄竄伏賦役平均心居儉素志守清貧魚
生八釜雀瑞來臻寢廟孔碩靈祠赫奕圓淵方井綺窗畫壁
因頌成功遂歌美績共弊穹壤永固金石

曲阜縣志卷五十二 金石

右碑在同文門內末行載大隋大業七年辛未歲七月甲
申朔二日乙酉濟州秀才前汝南郡主簿仲孝俊作文孔
子卅一世孫孔長名卅四世孫孔子嘆。書二十一
行四十七字趙楠云此碑亦頗有漢魏分隸法而集古錄
金雉琳瑯俱不載惟金石錄有之且都元敬謂隋碑少傳
自云嗜好三十年止得皇甫君之龍藏碑姚辨志江夏磚塔
記四種皇甫碑唐刻以是觀之都饒有三種予所錄乃四
碑并常醜奴誌李淵記爲六而皇甫智永不在其中安得
起元敬於九
原而誇示之

四科之首輝光昭晰芝蘭鬱芬年代浸遠久○○○哉偉歎
美哉偉歎之宏刻鵠見啞雕龍寡譽昔往神仙之郡未繫想
於王喬今來禮樂之鄉猥飛聲於宓賤徒以絃哥汁○○○
翟之朝飛水鏡澄明希阜鸞之曉舞而都督渤海李公諱庭
誨八命分憂兩岐標慶海澄泓量月灼貞明德之至則膏雨
隨軒令惟行則仁風發扇實來茲邑泛覽川原企佇邱墟慨
然永歎曰城郭猶是鶴鳴千秋之歌陋巷空存人響一瓢之
樂涿池春盡白露秋生古往今來曷惟其已皇上禮行鄒魯
思闡文明則夫子乘通三之尊充公列惟五之長乃顧而謂
之宏曰張令文蔚國章智樹仁策撝光可大譽望克昭宣王
旣以銘焉充公豈宜闕爾基惟嘉命勒茲徽猷俾夫亞聖同

曹縣志卷五十二

金石

七

之前美由是也故得繚宮牆殖庭宇撩鳳翼攀龍鱗清冷萃
風曠隴照日綠樹羅靡紅藥驟髣林霽轉鶯階香舞蝶宴於
斯餞於斯器用陶匏棗食不繫命曰稱充公之德歎遂吮墨
含毫盼奇瞬美網鳳策獵麟書牽彼朱絲緯茲黃絹其頌曰
珠毓滄溟鳳飛丹穴况德君子聞諸往說彼美充公儒林秀
傑惠和天授聲聞風烈道成四友德浮十哲魯明御敗衛通
哀洩宛爾龍蟠颺然鶴髮噫天喪子芳蘭已折其一聖皇有道
四隩攸同恩覆天宇令發春風緬懷泗上睿想淹中俯徵魯
禮贈此充公天書戾止儒術昭融弁冕載頌威光自雄皇情
有實陋巷何空其二昭昭良牧彬彬文質熊軾輔風隼旗粟曰
嶽鎮鄒魯道流溟渤神秀疎聳露鑒朗逸德柔去殺仁深濟

物來斯懷古中心壹鬱麥秀已謠黍離云述爰命作頌傳諸
故實^其三瞻彼魯國地固人安龜鳧鬱氣洙泗鳴湍禮經雲委
物產星攢伊子作宰諒匪能官蒲城愧仲河陽謝潘夢絲可
理製錦良難儉懷簞笥禮想雩壇塗荒露浥樹古風殘愛而
不見慨然永歎棟宇是葺金石斯刊悠悠千載其芳若蘭

右碑在同文門共二十一 一行行四十九字第一行充公之
頌朝議郎行曲阜縣令張之宏撰包文該書第十九行徵
事郎行丞隴西牛孝麟文林郎守主簿平陽崔庭玉登仕
郎行尉廣平宋休光第二十二行尉天水趙再良將仕郎守
尉員外署同正員高陽許瑾邠王文學文宣公孔璲芝第
二十一 一行文寶元年歲次壬午四月乙亥廿三日丁酉建
趙嗣云碑文正書書道
動有法特石惡多泐耳

唐修文宣王廟新門記云成域中之大歸天下之往曰王
者應歷以宰物酌時以觀化威聲雷霆號令風雨不嚴人理

曹縣志卷五十二 金石

合自然之運不行家至契如神之速德叶協於幽明道徜徉
於古始無爲無事其大矣哉泊乎澆淳旣變仁義斯起偃息
庠序棲遲洙泗憲章萬物之首馳騁百王之末清頽波於幽
厲扇儒術於殷周故春秋作而賊亂懼風典刪而廉耻生美
韶濩而諒濫之音息行揖讓而莊敬之心勸夫子聖者與名
與日月周流業與乾坤終始隱焉而光闡然而章命服袞裳
累代稱王曲阜聖人之鄉也先是闕官霞敞正殿岑立繚以
環堵邃其臺門巍若化造疑如○動允所謂淹中之勝概闕
里之全模刺史孟公休鑒德潤尊師道肥希聖研精百代淫
○群言夜火非官曹之燭春桑絕附枝之詠判官郡功曹盧
瞳以文發身以清檢物博通○○○數四科惟此祠廟厥初

層構朱戶半傾雕甍中落難名之闔與造次可遊如在之○
○○易觀將何以克恭過位加敬及庭於是孟公首之盧公
翊之因命縣大夫兼太○○○裴公新其南門書時也公名
有象育元含莫廣學攻文始登甲科吏於舒舒○○等吏於
究究人悅服蓄可大之用爲致遠之資由是庀乃程具乃役
不斬伸○○○○山之石償以日而給功不時而就大屋橫
巨雙扉洞開丹拱繡栴膠葛固○○○○景飛檐駢逼而棲
霧局鑄旣固享獻聿修官吏唯肅清之謹邑人無褻瀆○○
○○○席及階而升數仞之牆由戶而入君子以非孟公之
化不行非盧公之○不成三事叶同同底於善孝基不敏儒
家之流徒春秋舍菜之禮○○○○○誌不腆之文俾

曲阜縣志卷五十二

金石

古

刊承貞之石時大歷八年十二月一日也

右碑在同文門共二十行行三十五字第一行文宣王廟
新門記第二行朝散大夫檢校祠部員外郎兼侍御史裴
孝智撰第三行前義王府倉曹
參軍裴平下丹并篆額隸書

唐修文宣王廟碑

右碑在同文門共二十七行行四十四字第一行新修曲
阜縣文宣王廟記抑鄆曹濮等州館驛巡官鄉貢進士賈
防撰第十四行請修兗州曲阜縣文宣王廟第十五行右
鄆曹濮等州觀察使孔溫裕奏云云第二十一行末云無任
惓迫屏營之至謹具如前如前二字爲二十一格第二十四
三行中書門下牒鄆曹濮觀察使中字高一格第二十四
行牒奉勅鄆魯故鄉俎豆遺教文武之道未墜於地溫裕
雖持戎律宛有家風屬兵車之方殷飾邱門以弘教牆新
數仞廟設兩楹盡依仍付所司牒至准勅故牒勅故牒三
已賜詔嘉獎餘宜依仍付所司牒至准勅故牒勅故牒三
字爲第二十五行第二十六行咸通十年九月二十八日
牒第二十七行咸通十一年三月十日建記文與奏狀俱
載通編志記文正書趙晒云孔溫裕孔子三十九世孫以
私俸奏請葺廟宜蒙嘉獎矣碑賈防撰文聊畧未稱書者

無名氏而亦有顏清臣柳誠懸意不作惡
札碑側有孔舜亮兄弟登進士題名

宋重修夫子廟碑

右碑在大成門之東行書文載通編志碑共二十九行行七十二字第一行大宋重修兗州文宣王廟碑銘并序第二行起復翰林學士朝散大夫尚書都官郎中知制誥柱國賜紫金魚袋臣呂蒙正奉勅撰翰林待詔朝散大夫少府監丞臣白崇矩奉勅書並篆額末一行太平興國八年歲次癸未十月癸未朔十六日戊戌建

宋祀文宣王廟碑

右碑在奎文閣西門樓內淳化二年立徐休復記其文有云向非服我先聖之道學我先師之文則何以出紅塵上清漢要金拖紫八玉陛而侍珠旒陋亦甚矣又云以今生之行求後代之因不更得罪於聖人哉此等碑宜削去而舊志猶猶列載故存而辨之

宋王欽若奏狀勅旨碑

右碑景德三年立文載通編碑陰有大中祥符元年代祀闕里記孔勛之所撰也

曹縣志卷五十二 金石

五

宋勅賜御製御書牒碑

右碑在同文門行草書共十五行行十八字勅文載通編志碑首二行牒奉勅下載勅文至勿令損汚此勅下有文仍仰刊之於石昭示無窮牒至准勅故牒大中祥符二年四月日牒工部侍郎參知政事趙尚書左丞參知政事馮中書侍郎兼刑部尚書平章事王

宋眞宗贊孔子碑

一右碑在奎文閣後東大中祥符元年立碑凡五版中爲眞宗御製其傍則羣臣分贊碑陰有幸魯封誥手勅題名明
宏治十二年燬嘉靖十五年重書於石

宋眞宗御贊周公碑云若夫夾輔文王垂範成康措刑辟而

惠民制禮樂以正俗宜乎大公劉之業克致於隆周啓伯禽

之封遂成於東魯者也朕以載新盛典肇建明祠旣峻極於

徽章復揄揚於懿美贊曰偉哉公旦隆彼宗周刑罰以息王

澤斯流政成洛宅慶錫魯侯式增顯爵用綏嘉猷

右碑大中祥符元年立在周公廟中

宋成昂講學堂碑

右碑在奎文閣之西景祐四年立額篆甚奇孔彥輔所書也其文雜用老氏之言無足錄

宋孔道輔五賢堂碑

右碑在金絲堂前景祐五年孔道輔撰并書多剝落五賢者謂孟也苟也顏也王也韓也以苟楊同於孟子比之五星五嶽甚矣其過也

宋米芾孔子手植檜贊碑云煒東皇養白日御元氣昭道一

動化機此檜植矯龍怪挺雄質二千年敵金石紕治亂如一昔百代下廕圭璧此贊舊在手植檜傍歲月既久且再罹火災殘缺難讀乾隆辛未聖裔孔繼涑得米芾墨蹟於華亭司

曹縣志卷五十二 金石

六

寇張文敏家結字較小而骨格風神迥無有殊因重摹刻石并移舊刻於同文門下芾又有孔子贊云孔子孔子大哉孔子孔子以前既無孔子孔子以後更無孔子孔子孔子大哉孔子又手植檜銘云乃根子哉乃枝子哉子哉子哉子哉子哉子乃父乃子乃卯乃日子子乃月子子乃語皆酷肖其癩云

金重建鄆國夫人殿碑

右碑在廟內大定二十一年學士党恆英撰文并書文載通編

金重修至聖文宣王廟碑

右碑在大成門南第六樓內金明昌二年立共十九行行七十五字八分書第一行大金重修至聖文宣王廟碑第二行翰林學士朝散大夫知制誥兼同修國史上護軍馮翊郡開國侯食邑一千戶食實封一百戶賜紫金魚袋臣

金重修亞聖究國公廟碑云齊景公富有千駟之馬民無德而稱焉伯夷叔齊餓於首陽之下民到於今稱之顏子貧居陋巷之中一簞食一瓢飲人不堪其憂孔子賢之何哉蓋在昔以德行獨冠於四科以好學常存於一心遊於聖人之門欲深造聖人之道得一善則拳拳服膺不失當時洙泗之間杏壇之上濟濟然三千之徒顯顯然七十之賢無能出其右者可謂絕倫離類宜乎後世稱爲亞聖嗚呼其人遠矣吾不得而見之矣其廟貌雖存殿宇將廢烏鼠多至風雨難蔽今幸遇明天子啓運龍飛天位崇儒重道宣文教以彰化明昌建元之初頒詔天下一應故廟墜廢者仰所在官司檢料修

完明昌二年春本縣檢討斯廟方行請修以文宣王廟縣官監修功尚未畢力不暇給明昌四年冬十月方始經營擇吉日命良匠揮斧斤治材木作之者翼翼築之者登登或仍舊以修理或作新而新建正殿屹然而所立卓爾四筵崇起而如翬斯飛其制度也簡省其規模也宏遠雖無山節藻稅之華侈刻鏤雕文之奇巧梁棟堅固門扉軒牖堦砌垣墉修具備飾塵埃之故像增黼藻之光華廟宇一新燦然固有不完矣念此鳩工之匪易改歲方成營造之費用胥出國帑非勞於民也苟無文以紀之將何以傳於久遠乃命進士穆昌世記之繫以辭曰猗歟子淵德行純全聞一知十天資超然有過不貳或怒不遷好學善進服膺拳拳仰慕聖道鑽之彌

堅簞瓢自樂孔子稱賢克己復禮爲仁是先苗而不秀良可惜焉故廟增葺越後超前寫之琬琰以永垂傳

右碑明昌中立
在顏子廟中

金党怀英杏壇篆文

杏壇二字各方
尺許在杏壇中

元重修闕里廟垣碑

至元十九年立楊
桓爲文載通編

元尼山聖像碑

至元三十一年立司
居敬爲文載通編

元廟學記碑

大德三年立導江張
顛撰文文載通編

曹縣志卷五十一 金石

六

元重修夫子廟碑

大德五年立閻復
撰文文載通編

元宅廟落成後碑

右碑在奎文閣後西大德五年
立李謙撰文并書文載通編

元勅賜曲阜廟孔子田宅碑

右碑在奎文閣之西元統二年
立歐陽元撰文正書文載通編

元重修兗國復聖公廟碑

右碑在顏子廟元統二年立
歐陽元撰正書文見通編

元洙泗書院碑

右碑在書院中後至元四
年鄆人宋元隆撰文正書

元修曲阜宣聖廟碑

右碑在奎文閣後之東正書共四十三行行一百字第一行大元勅修曲阜宣聖廟碑第二行翰林侍講學士通奉大夫知制誥同修國史兼國子祭酒臣歐陽玄奉勅撰第三行奎章閣學士院大學士資政大夫知經筵事臣夔夔奉勅書第四行正奉大夫侍御史張起巖奉勅篆末行後至元五年歲次己卯十一月吉日建新安簷獻刻文載通編又加封大成至聖詔碑大德十一年立蒙古漢字並書從左至右一行上天眷命二行皇帝聖旨下卽詔也

元尼山書院碑

右碑在書院中至元四年虞集撰文見通編正書

元加封啓聖王碑

至正八年立入金絲堂後呂思誠撰文載通編

元董立代祀碑

至正八年立奎文閣後東

元曲阜縣歷代沿革碑

至正十年立石晉撰文八分書在舊縣東門外

曲阜縣志卷五十二 金石

九

元重建景靈宮碑

右碑立於至正十一年辛卯十二月十八日前題重修曲阜景靈宮崇文少監亞中大夫同檢。書籍事兼經筵參贊。周伯琦撰并書集賢大學士榮祿大夫。商議中書平章政事。姚庸篆額伯琦嘗爲闕里廟碑亦能文者乃復爲此碑甚可惜也碑正書文見古蹟志碑末詳列崇正大師清真大師洞。大師及各真人姓名後乃書宣聖五十五代孫濟寧路曲阜縣世襲尹孔某此豈可令宣聖尼耶李文正詩云一方烟火無庵觀而元時旣崇奉道教今邑中亦多僧道詩人言之不足信如此然僧道究不如他邑之盛則猶見聖里之遵奉聖教耳

元尼山大成殿四公配享碑

至正十四年立危素爲記在尼山廟外文載通編

元慶壽石刻

二大字徑五尺燕山老人書又額題十六字漫滅不可辨在舊縣城外

明封魯王檀告祭境內山川碑

洪武三年立
在城南郊臺上

明定五嶽諸神號詔碑

洪武四年立
弘治十六年重立
在奎文閣前碑樓內

明御製重修孔子廟碑

永樂十五年九月建
弘治十六年重立
在奎文閣西碑樓內

明御製重修孔子廟碑

成化四年六月立
在奎文閣前御碑樓內

明御製重建孔子廟碑

弘治十七年立
在奎文閣前西御碑樓
內
以上三碑俱高三丈許
文載通編

明檜圖碑翰林院檢閱孔涇記云按祖檜前修記枯榮異常

曲阜縣志卷五十二

金石

三

因有感焉蓋天地之否泰日月之薄蝕聖教之興衰世道之
理亂今昔皆然矣木之春榮秋枯四時常理獨手植檜歷周
秦漢晉幾千歲至懷帝永嘉三年己巳而枯枯三百九年至
隋恭帝義寧元年丁丑復生生五十一年至高宗乾封二年
丁卯再枯枯三百七十有 年
至宋仁宗康定元年庚辰再
榮至金宣宗貞祐二年甲戌罹於兵燹枝幹無遺後八十一
歲甲午爲元世祖至元三十一年故根重發至我皇朝洪武
二十二年己巳凡九十六年其高三丈有奇圍僅四尺根本
枝葉凌雲而盛紋理復左旋與故本無異詳其理似有關於
世道之理亂豈惟宗枝之攸繫哉

右碑楷書弘治八年立
在奎文閣後東額篆檜圖銘記前
繪檜樹後爲祖聖手植檜記
首有重修祖庭記五十字下

乃記繪圖文洪武己巳五十三
代孫前翰林院檢閱涇謹識

明張敏撰尼山新廟碑正書其文云洙泗涵道體之本原尼
山毓天地之間氣聖人者又所以鍾天地山川之間氣以生
者也其知先知其覺先覺出乎類拔乎萃自生民以來實未
有也然天之所以厚於聖人者夫豈無其故哉蓋自周室衰
微諸侯放恣三綱淪九法斁中國將入於夷狄生民漸儕乎
物類使不生聖人則天下貿貿焉莫知所之人欲肆而天理
滅矣天於是而生聖人焉聖人者繼天立極拯溺亨屯爲天
地立心爲生民立命爲萬世開太平者也所謂其生也有自
來其逝也有所爲宰我曰以予觀於夫子賢於堯舜遠矣且
堯舜之道尚賴夫子而明是天以是道而畀之聖人必欲聖

曲阜縣志卷五十二

金石

三

人以是道而傳諸後世此聖人所以有功於天地也惟聖人
有功於天地故天下通祀乎聖人矧茲尼山尤爲所生之地
廟貌尊崇歷代所尚奈何元運旣去毀於兵燹故址頽基鞠
爲茂草春秋祭祀掃地而行觸目荒涼誠爲可嘆五十九代
孫襲封衍聖公彥縉五十五代孫曲阜世尹克中五十四代
孫族長思楷舉事希韶會閤門族屬諭曰闕里廟貌我太宗
文皇帝撤舊更新旣以美矣惟茲尼山乃聖祖誕毓之地荒
涼若是而不爲究心吾子孫寧不有愧焉乎由是衆發一心
鼎新重建正殿三間高廣如制其西則爲毓聖侯殿其西北
則爲啟聖王殿又其北則爲啟聖王夫人殿也神門三間齋
廳五間庖湑有廬祭器有庫繚垣雲矗如矢斯棘嗚呼休哉

首事於永樂丁酉之春落成於戊戌之夏輪奐之美視昔有加構治之規於今爲盛仰瞻俯視生氣若存時或嶧山雨霽顏母雲收丹青晃日月之光金碧焜煙霞之色重櫺疊拱簷牙高啄坤靈五老環繞上下其壯觀爲可知矣茲於刻石以勵其後謂余當筆不敢以蕪陋辭謹述始末并系以言曰周室衰微諸侯擅權下陵上僭綱紀頽然風氣日偷倫理日墜往聖既遠其孰能繼尼山降神毓秀含真靈應既起生我聖人惟聖有作天作木鐸以繼往聖以開來學綱常既正倫理日昭尊卑上下井井有條惟聖斯蹟光明烜赫其報伊何萬代血食緬惟尼山古廟巍巍毀於兵燹蕩然無遺觸目荒涼見者嘆息聖公起念世尹贊畫經之營之乃定其規新廟既成金碧相輝神其戾止旣安且喜報以介福施於孫子

明孔氏報本酬恩碑

右碑在張陽社張氏塋前張敏撰文報本酬恩者報張溫匿養孔仁玉之恩也碑正書文見闕里文獻考

明裴侃撰重建金絲堂碑記云闕里有堂名金絲者舊相傳也按孔氏祖庭廣記載圖經誌朔於大金世重修闕庭始有其制略無明文可考堂在齊廳之北家廟之南廟庭之東歷世更變歲久傾圮僅存遺址宣德甲寅冬工部亞卿江右吉水文江周公忱以公務道經東魯躬謁林廟每事懇懇致問禮也因斯堂之未立歉然爲缺典遂召匠計之捐已俸資貨材於江南得大木而喜使人相地廣袤是斷是度是尋是尺修之治之水運以舟陸輓以車時議克合力相成之者蘇州

知府况侯鍾通判邵侯謀也材木既具越明年季夏壬寅日
宣聖五十九代孫襲封衍聖公孔彥縉召役事興工經營圖
爲安排布置舉以法落成是年秋八月庚子朔也堂高二尋
有二尺由是制度宏雅廉隅峻整輪奐一新卓越舊觀僉議
復於櫺星門外西南隅構屋三間計十有二楹爲祇謁更衣
所名曰更衣亭其用心可謂勤矣嗟乎遵軌而修事謂之址
美修事而有成謂之合功古之道也今能址美矣合功矣是
宜誌之愚嘗閱載籍當漢景帝時魯共王好治宮室毀孔子
舊宅而欲廣之升堂聞金石絲竹之聲遂不敢壞意今之家
廟卽其舊宅歟斯堂卽共王聞金石絲竹之所歟舉金絲而
言則八音在其中可知矣且天地假風霆以彰厥威聖人托
音樂以著其靈天地變態無常而四時成其序聖人神明不
測而萬世蒙其教天地風雨露霜之類無非教也聖人禮樂
刑政之屬得非教乎矧樂者又所以移風易俗比物節節崇
和順而親附於民所以蕩滌邪穢消融渣滓澤莫善於是故聖
人雖沒而有不沒之神存焉何也道德也禮樂也與天地相
爲始終爲萬世生民之所仰賴焉名堂之義意有在也後之
登斯堂者不金石而金石不絲竹而絲竹想聖人之靈而景
仰於千萬載之下斯堂亦與有助焉

右碑在金絲堂正
書宣德九年立

明重修三氏學碑

右碑在學前劉健撰文
正書文見闕里文獻考

明李東陽詩禮堂銘云闕里孔廟之東有詩禮堂蓋舊名也
按察僉事黃君繡重建茲廟嘗聞故衍聖公弘泰言金章宗
謁廟時爲行幄以駐蹕比去有司請撤之章宗云留孔氏爲
延賓齋遂止勿撤近毀於火今稍移而東數武許加闔廣焉
因爲銘以貽今衍聖公聞韶俾志之銘曰惟孔有庭聖訓攸
在父立子過其徒是賴其訓維何維詩及禮手所刪定教自
家始聖不可作庭名固存萬世是師矧維子孫有齋延賓金
所駐蹕彼金則然矧我中國新廟旣闢新堂乃遷有來繩繩
世守勿愆

右銘在東碑棚內隸
書弘治十八年立

又金絲堂銘云金絲堂舊在孔廟左廡之東東直井前直詩

曲阜縣志卷五十二 金石

十四

禮堂嘗掘地得石刻知爲孔子故宅蓋世所傳魯共王聞金
石絲竹之聲者也故歷代之樂器藏於其間比者廟燬而堂
獨存新廟之闕堂地皆入左廡金絲則移而西與詩禮正相
直東陽旣各爲篆額復爲銘金絲之銘曰維孔有宅曰維聖
門魯共何人欲壞更存維壁有書四代之文惟堂有聲八音
是聞此事菴昧書則真有有堂載新宅固其舊聞樂知德斯
言已久金絲在焉名不可朽昔堂在東今堂則西欲究厥初
視我銘詩

右銘在東碑棚內楷
書弘治十八年立

明奎文閣賦碑

右碑在奎文閣內楷書前題奎文閣賦有序光祿大夫柱

國少傅兼太子太傅戶部尚書謹身殿大學士知制誥同

知經筵事國史總裁長沙李東陽撰徵仕郎中書舍人直文淵閣預修國史玉牒侍經筵官太原喬宗書并篆後題弘治十八年七月吉日六十二代襲封衍聖公孔聞韶立石賦載古蹟志又廟有東陽南溪賦短褐草書其文亦載古蹟

明修顏子廟碑

右碑在顏廟內正德二年立正書王鏊爲文見通編

明奎文閣置書籍碑熊相記云聖賢之道非言莫明聖賢之言非書莫載天下之書亦多矣雖偏正純駁言人人殊要之明道則一而已闕里爲杏壇遺址孔聖與諸賢傳道之所也先在曲阜縣城外舊有奎文閣閣中之書天下莫備焉正德辛未盜入山東焚毀殆盡守臣以聞上乃命遷縣於闕里築城而并包之又命禮部頒御書以賜崇儒重道可謂至矣止

曲阜縣志卷五十一 金石

五

於五經四書性理大全通鑑綱目者取諸言之正純者其他不以與也已卯相濫竽廼拔首之闕里謁焉衍聖孔公聞韶樂善好古導之以徧視諸勝卒登夫閣書不盈架問而知之歸以告巡撫都御史永平王公翊同寅平陸劉公翀餘姚陳公克宅三公曰是不可緩也任其責者非吾輩而誰乃求其目於提學副使江君潮凡若干冊屬其費於叅議陳君簞僉事錢君宏黃君昭道王君億凡若干金乃檄兗州府教授林馨市之於四方以庚辰九月至三氏學及縣學諸生皆動色相慶曰今而後吾無憂乎書憂夫讀之者有未勤耳知縣孔公統曰春秋大事必記茲非大事乎敢乞一言以垂諸後使後之有是責者見之敝不能以不新也缺不能以不補也使

諸生常有所諷誦而玩索之於以博其聞見究其義理體之
日用庶斯道常明於杏壇而吾黨之幸益大矣子曰今天下
之人知有君臣焉父子焉夫婦長幼朋友焉而不至於昏焉
曠焉夷狄焉禽獸焉者聖賢之力也若仕者爲聖賢之徒而
食其力者尤多今仕於聖賢之鄉乃坐視其子孫之俊秀罔
知所以教之不幾於忘本乎是舉也發之於子和之諸公不
約而同蓋理之在人心有同然者自不容已也或曰書籍聖
賢之糟粕耳聖賢之後自異於人何待於誦法陳言而後道
可明邪曰孔子大聖猶曰我非生而知之者好古敏以求之
者也聖人不常出乃以是而責其後不幾於誣乎若以爲糟
粕者則聖賢之逝久矣後之人有所持循學聖賢焉而企之
者不求於書將惡求哉或又曰聖賢之道經書備矣諸子百
家果何爲者乃求之以誤後生邪曰譬之道路然經書大道
也諸子百家特路之小者耳然推其至則皆有所通於行者
皆有所益故稗官爾雅古人亦所不廢學者誠能博以求之
約以得之篤以行之則諸家之言皆聖賢之羽翼也聖賢之
言皆吾身之憑藉也焉往而非益哉此讀書之法也亦聚書
者之意也諸士子其勉之哉以無忝厥祖

右碑在奎文閣內正
書正德十五年立

明城闕里碑

右碑在奎文閣後東嘉靖四年
立費宏爲文正書文見通編

明重修闕里林廟碑殷士儋記云按闕里志國朝詔修孔廟

者屢矣皆司空經畫內帑給費綱紀於撫臣而董役者藩臬大夫也役竣或遣輔臣來釋奠告成事御製碑記昭示永久云今天子中興議禮制度尤重先聖祀典考定位號更易像設本隆啓毓禮嚴配食累代沿襲未安者一朝咸正罔缺猗與偉矣顧曲阜林廟距弘治修建且五十年所久漸圯徹弗稱瞻仰屬國計未裕有司不敢以聞嘉靖壬子御史馮公薦命按東省首詣祇謁卽慨然歎曰省方設教天子命御史意也矧茲地實教本邪御史於諸廢置得一切便宜從事至隆師重道之舉不知身任其責及時修飾而曰必厘縣官惡在宣德意也遂檄濟南府同知林君悅兗州府通判張君永敘推官盧君翰暨曲阜世尹孔君承業相與督視出貲贖羨戒

徒農隙庀材鳩工興頽易朽自殿寢樓廡齊閣門宇垣屋碑亭及家廟祖林計三十有七所經始其年十月越癸丑六月訖工礱斲必堅丹堊有赫燦然就緒而馮公受代去矣明年御史雍公焯繼至樂踵前猷更議增飾凡昔之有待而未暇者畢力修舉罔不大備蓋自我皇上釐正祀典以來廟貌崇嚴林域改觀足稱維新之典實自茲始而不煩朝命不妨庶職役不告勞費不告侈倡始圖終後先相望皆前此未有也曩歲士儋奉使過濟南時林君爲余道之因偕諸君子來徵文紀其事會余北上諾之未及爲也至是兗州守朱君應奎同知王君三接貽書京師復述後功申致前請夫御史代天子行郡國能仰承聖化敦崇教本郡邑庶僚又皆協采勸功

翁附恐後均之知務矣雖聖賢道德不視此加損而國家褒德右文之澤聖天子表章率作之效不益徵千載一時哉則夫由必世之仁適變道之會衍聖治無疆之休端在茲矣昔史遷適魯觀孔氏廟堂車服禮器諸生習禮其家低徊久之不能去獨以言六藝者所折衷也迺今道學大明丕隆文治刪述垂憲者不徒託諸空言遷誠躬賂斯盛當復何如哉余不敏謬從史氏後愧無以揚厲聖朝之化而闡明諸君子之功也聊爲次序其事以識歲月云

明姜廷頤葺孔子廟碑

右碑在奎文閣後隆慶三年立殷士儋撰文正書

明趙賢葺孔子廟碑

曲阜縣志卷五十二

金石

三

右碑在奎文閣後東神宗六年立于慎行撰文正書

明闕里重修林廟周公顏子廟碑

右碑在奎文閣後神宗二十二年立于慎行爲文正書

明重修顏子廟碑

右碑在顏廟內神宗三十一年立于慎行爲文正書以上文俱見通編

國朝俞兆曾聖廟通記

右碑碣在奎文閣東門樓內康熙二十六年六月立正書

顏氏忠孝家廟碑文云蓋惟運由五德以相嬗不替聖賢之裔位以千年而得正聿昌忠孝之宗然日照月臨正氣咸資於神誕而山輝澤媚清風罕見於家傳緬想斯人盱衡當代則河間太守顏公父子其人也公家原復聖胄雖古而愈華

代有名流文在茲而未絕與聞正學居七十二子之先獨受遺經在六十五傳之後拳如魯國方總角而徧奇舌似常山每讀書而知慕金門射策廣川具繁露之才玉殿揮毫曲水羨凌雲之氣初膺大邑隨車卽種甘棠屢典名封迎刃俱成偃草雷霆在手歷盤錯而無傷冰雪爲心處膏脂而不潤路留遺錦民當綿竹以無欺道見縫裳賊過朝歌而必獲而薛宣強項不拜督郵賈誼拊膺耻同絳灌是以舉旂闕下會明大令之寃題字屏中獨重神君之績非長孺而不可俾治股肱使希烈而何辭寧塗肝膽茲則星精欲殞天步將移甲仗運營中山無可完之壘鼓聲動地瀛海鮮不沸之波鼠盡空城尙扶病而煮鎧雉傾殘堞猶買勇以登陴國事將危遂置身謀於不問人倫自識豈云天道之無知毒甚燎原總是丹心自熱慘聞闔室唯餘碧血難灰而長君孝靖先生清宵妖夢早徵易箆之不祥遠道飛書空歎單車之莫挽望雲已隔心驚兩地傳烽乘霧維遙益痛孤城受矢粉身靡惜揮愛弟於壕邊折足成傷遇遊兵於道上如林戈戟書生慷慨而直前若畫鬚眉戎帥仰瞻而加敬似秦庭之痛哭血是淚痕若荀氏之長號喉應氣哽婦被創而罔恤徒感心香兒旣病而難支誰憐弱骨叢披荆棘窮晝夜以跣行路塞豺狼望山川而祖泣躡天踴地得殘骨於焦土之餘歛死全生拾完卵於破巢之內遂使持名元老嘉嘆以爲罕能雪涕旅人傳聞謂之奇事乃先生力窮匍匐負廣柳以歸田意絕揣摩守寒蓬

而閉戶傷哉仲也痛天序之中令念此季兮勉月征而益篤
哀銜朱雀類劉俊不過南航誠感白鳥似王哀曾無北坐停
雲朗誦彈宗子之一琴過日清吟擁鄴侯之千卷帶經隴上
將猷歎以終焉拄笏山前謝功名而已矣道旁守劍鄉里傳
王烈之風井畔分泉父老感管寧之化齡逾周甲慨猿鶴之
空存歲值逢辰歎龍蛇之遇厄闡幽光於聖代雖傳褒德之
封振清議於禮官尚乏易名之典河汾澄學門人竊號爲文
中彭澤高風國史允傳乎靖節諡曰孝靖禮不然歎嗟乎柴
市歸魂非有勸忠之子睢陽嚼齒曾無併命之兒茲則墓號
忠貞可一門而含笑澤流文史比萬石而何慚賢者能世其
家君子克昌厥後六龍夾日李供奉或是謫仙雙鵠摩雲杜

曹縣志卷五十二

金石

三

司勳豈非才子綺論交有素景行無私題郭泰之碑斯爲不
愧作秀實之傳此必可傳爰刻貞珉用書前烈永存家廟以
告後人

右碑在顏氏家廟內吳綺園次撰

文蔣衡拙存楷書顏懋倫刻石

聖教序全揭

右石刻良常蔣天賓集晉右將軍王羲之書拙存蔣衡以
雍正辛亥元旦臨于曲阜官署大治堂世尹孔毓琚上石

大學聖經并贊

右石刻在金聲門外乾隆十有六年二月孔繼誅書聖經
一章正書其贊曰天生夫子萬世之師修道之教大學攸
垂前聖所傳後學宗式明德新民務造其極詳厥功效修
已治人內聖外王體備乃身此書之作同流天地學有古
今理無或異

玉虹樓帖

曲阜縣志卷之五十二終

右石刻孔經洩集雲間大司寇張文敏公照
各體法書附以已書以次上石藏於玉虹樓

曲阜縣志卷五十二金石

三

曲阜縣志卷之五十二

知縣楚安鄉潘相修

類記第四之十八

男承焯編

著述

漢書本名藝文志但近日各州縣志皆以所採詩賦序記各類爲藝文易於混淆故以著述名之

粵稽先聖刪述六經垂教萬世斯文在茲昭揭日月哲人萎而微言絕七十子喪而大義乖重以暴秦火厄篇帙散亾漢氏諸儒張皇補苴古文復出魯壁六籍遂永與天地同流於時魯人周霸言易夏侯勝言書申公言詩高堂生言禮左穀春秋論語孝經之學靡弗傳其師說各自名家論者以爲諸子之言紛然惟魯爲近蓋魯之文學本其天性而去聖未遠近居更甚文獻足徵固其所也後代聖裔世典家業而高山景仰人有同心以故守道之儒競傳經術博雅之士羣尚文章篇冊區分源流殊別要皆代有著述流布來茲斌斌郁郁可考而知茲倣前志四部之例各以類別并著於篇俾世之君子得以觀覽而論次焉

經類

曹縣志卷五十三

著述

一

易之爲書也人更三聖世歷三古孔子衍爲象象繫辭文言序卦說卦雜卦之屬十篇謂之十翼以授弟子商瞿子木子木以授魯橋庇子庸子庸授江東馯臂子弓子弓授燕周醜子家子家授東武孫虞子乘子乘授田河子裝訖於宣元有施孟梁邱京氏列於學官而民間有費高二家之說劉向以中古文易經校施孟梁邱經或脫去无咎悔亾惟費氏經與古文同至於東漢馬融鄭康成荀爽王肅王弼之徒皆有傳

注自隋以後弼注盛行以非邑人故不著邑人之述易者橋
庇不傳易解周霸以易至大官而注釋亦無聞漢藝文志易
十三家無子夏傳隋唐志始有卜夏傳二卷云已殘缺今通

志堂所刻十一卷首尾完具蓋後人僞託者梁有續朱异集

註周易一百卷步兵校尉孔子祛撰佚唐志有周易正義十

六卷舊唐志宋志作十四卷國子祭酒孔穎達與顏師古等奉詔所撰

序稱江南義疏有十餘家辭尚虛誕皆所不取惟王弼之學

獨冠古今以弼爲本而採諸說附益之又有玄談六卷易正

義補闕七卷宋光祿寺丞孔叵有大衍說一篇太元圖一卷

俱佚明荆王長史孔承侗有易經代言卷佚又有魯國郭季公

撰易學集解二卷不著名季公其字也孔學周太極辨疑八

卷佚

曲阜縣志卷五十三 著述

二

國朝顏光猷周易屬辭二卷

尚書之所起遠矣至孔子篋焉斷自唐虞下訖於秦凡百篇

而爲之序遭秦燔書禁學濟南伏生獨壁藏之漢興亡失求

得二十九篇教授齊魯以其上古之書謂之尚書百篇之義

世莫與聞訖孝宣世傳伏生之學者歐陽氏外魯人有大小

夏侯氏立於學官有大小夏侯章句各二十九卷大小夏侯

解故二十九篇孔霸及子光皆傳其學孔壁全經出較之伏

生多十六篇臨淮太守孔安國奉詔作傳以隸寫古增多伏

生二十五篇復出舜典以下五篇得五十八篇並序一篇爲

傳十三卷宋志十卷隋志作古文尚書十三卷今字尚書十四

卷宋史又有古文尚書二卷孔安國隸又作古文尚書音五卷以

巫蠱事起未列學官晉永嘉之亂今文尚書並亡而安國古

文始大顯晉五經博士孔晁撰尚書義問三卷佚梁孔子祛

有尚書義二十卷佚唐貞觀中孔穎達與顏師古等奉詔作

尚書正義二十卷宋顏復有說命講義三卷佚慶元府通判

孔夢斗有尚書解卷佚元顏直之有金滕圖一卷佚明孔承佃

有書經代言卷佚

太史公謂古詩三千餘篇孔子刪之自殷至魯去其重取其

可施於禮義者凡三百五篇以授子夏遭秦焚六經獨詩以

諷誦得全詩序二卷或謂衛宏作或謂毛亨作朱氏經義考

定爲子夏作漢初有魯人申公受詩於浮邱伯爲詩訓故前

曲阜縣志卷五十一 著述

漢藝文志有魯故二十五卷師古曰故者通其指義也魯說二十八卷至

晉已亡今津逮秘書漢魏叢書所刻與子貢詩傳皆一手偽

書也申公同時齊轅固燕韓生皆爲詩傳三家俱列學官唯

魯最爲近之又有毛公之學自謂子夏所傳獨未得立一云

魯人毛亨受詩於荀卿作訓詁傳以授趙國毛萇時人謂亨

爲大毛公萇爲小毛公名其詩傳曰毛詩漢藝文志有毛詩

二十九卷毛詩故訓傳三十卷鄭康成爲之箋至唐貞觀中

孔穎達據劉炫劉焯疏本刪繁增簡奉詔作毛詩正義四十

卷元顏達有詩經講說未見明孔承佃有詩經代言卷佚

國朝有陳穎桂馥毛詩音

古之王者世有史官左史記言右史記事事爲春秋言爲尚

書歷代無殊周室衰微亂賊接跡孔子筆削魯史撥亂世反之正百王之法度萬世之準繩皆在此書故程子以謂五經之有春秋猶法律之有斷例也左邱明受經於孔子公羊穀梁受業子夏各述所聞互有同異弟子衍其師說末流益紛邱明魯太史作左氏傳三十卷又作國語二十一卷穀梁魯人名喜有穀梁傳十一卷漢藝文志有左氏二篇穀梁外傳二十篇穀梁章句三十三篇皆不傳其名氏弘農太守孔驩有公羊訓詁穀梁訓詁卷俱佚處士孔奇撰左氏義詁未畢而歿宗人子通爲校其篇目并序答問凡三十卷舊志稿又有孔奇春秋左氏刪一卷城門校尉孔嘉有左氏說一卷少府孔融有春秋雜議難五卷齊郡太守顏安樂有公羊記十一

曲阜縣志卷五十三 著述

篇佚晉廣陵太守孔衍有左氏訓注十三卷公羊集解十四卷穀梁訓註十四卷舊唐志十三卷孔晁有春秋外傳國語注二十卷佚宋廣州刺史孔默之穀梁注一卷唐孔穎達奉詔作左傳正義三十六卷舊唐志三十七卷公羊疏三十卷明顏鯨有春秋

賈玉六卷存

國朝衍聖公孔傳鐸有三傳合纂十二卷

禮器云經禮三百曲禮三千漢書藝文志載禮古經五十六

卷經十七篇后氏戴氏。十七本作七十臨江劉敞乙爲十七計其篇數則然朱子從之後孔氏

壁中出古文儀禮五十六篇內十七篇與漢初高堂生所傳

士禮十七篇文相似外多三十九篇而古經出魯淹中者亦

五十六篇河間獻王得而獻之訖孝宣世后倉最明戴德戴

聖慶音皆其弟子三家立於學官劉向考校經籍檢得禮經一百三十篇又益以明堂陰陽記三十三篇孔子三朝記七篇王氏史氏二十一篇樂記二十三篇凡五種合二百一十四篇戴德刪其煩重合而記之爲八十五篇謂之戴記戴聖又刪大戴之書爲四十六篇謂之小戴記馬融又足以月令明堂位樂記三篇合之四十九篇卽今禮記朱子以儀禮爲經禮記則禮器所謂曲禮三千也考二戴旣與慶音同爲武宣時人豈能刪哀平間向歆所校之書且班志不載兩書當闕之以俟考晉太子中庶子孔衍有凶禮一卷黃門侍郎孔倫有喪服經傳集注一卷儀禮注一卷梁散騎常侍顏延之禮逆降議三卷唐孔穎達奉詔作禮記正義七十卷据皇甫侃之本輔以熊安生之疏顏師古有刊謬正俗七卷顏真卿有禮樂集十卷宋吏部尚書顏敏有禮記解佚

國朝衍聖公孔傳鐸有禮記摘藻一卷戶部主事孔繼汾有孔氏家儀一卷劬儀糾謬集三卷又北齊孔拱有習經一卷顏真卿有五經要略卷佚宋孔維有校勘五經正義百八十卷佚明孔克表於洪武中奉詔注釋羣經類要

論語者孔子應答弟子時人及弟子相與言而接聞於夫子之語也當時弟子各有所記夫子旣卒門人相與輯而論纂之故謂之論語漢時有齊魯之說魯論二十篇齊論多問王知道二篇爲二十二篇後孔壁古文出分堯曰下章子張問爲一篇有兩子張凡二十一篇篇次不與齊魯論同如淳謂

堯曰分二篇名曰從政秦孔鮒有孔叢七卷論語義疏二卷

見冊府元龜漢孔安國為訓解一篇夏侯勝有魯論語說二十一

篇佚齊新安太守孔澄之有論語注十卷佚宋餘干主簿孔

元龍為柯山精舍山長有柯山論語講義卷佚

四書之名起於朱子蓋析禮記中大學中庸二篇與論語孟

子並行號為四子書後代遂首用以取士明按察僉事孔諤

有中庸補注三卷孔承侔有中庸孔庭續問一卷四書代言

卷佚孔尚嚴有學庸正解卷佚進士孔興治有四書講義六卷

國朝顏光敏有大學訂本一卷存

孝經者孔子為曾子陳孝道曾子與門人所記也凡十八章

漢時長孫氏江翁后蒼翼奉張禹皆名其學其後孔壁古文

曲阜縣志卷五十三 著述

出庶人章分為二敢問章分為三又多一章為二十二章孔

安國作傳一卷孔光作注一卷孔穎達作孝經義疏卷佚

孔子弟子既編論語又集錄公卿大夫及弟子之所諮訪與

其言語為四十四篇名曰孔子家語秦始皇焚書時家語與

諸子並列故不見滅多古文字孔安國既為尚書孝經論語

改今文讀而訓傳其義又撰次孔子家語會巫蠱事起遂各

廢不行於時戴聖常雜取其書以足禮記漢成帝時劉向考

校經籍見其已在禮記者則便除家語之本篇止錄二十七

篇後博士孔衍以為是滅其原而存其末也言之成帝會帝

崩不行其說後王肅得家語四十四篇古本於孔猛家注之

乃行於世今所存家語二卷亦四十四篇然非王肅所得古

本矣今公府有校刊家語及宋永嘉薛據孔子集語二十卷
移風易俗莫善於樂周道衰微樂章崩壞及秦而頓滅漢初
制氏雖在樂官第能紀其鏗鏘鼓舞而不能言其義蓋古樂
之亾也久矣前史相承禮樂並列乃取後代樂府及言樂之
書置於孝經之前猥雜殊甚陳氏書錄斥之是已但列於諸
子之後雜藝之間亦未爲得馬貴輿通考著錄與識緯並列
於經解之後子史之前似爲允當今從之曲阜知樂者孔衍
有琴操引三卷唐志一卷元太常禮儀院判孔思逮大元樂書卷佚
國朝大姚知縣孔貞瑄有大成樂律全書一卷操縵新說一卷
孔貞遇有琴譜一卷孔繼汾刊有樂舞全譜二卷

古者八歲入小學故周官保氏掌養國子教之六書謂象形

象事象意象聲轉注假借造字之本也漢興蕭何草律亦著
其法曰太史試學童能諷書九千字以上乃得爲史又以六
體試之課最者以爲尚書御史史書令史吏民上書字或不
正輒舉劾六體者古文奇字篆書隸書繆篆蟲書皆所以通
知古今文字摹印章書幡信也古制書必同文不知則闕問
諸故老至於衰世是非無正人用其私故孔子曰吾猶及史
之闕文也今亾矣夫蓋傷其寢不正小學顧不重哉前漢藝
文志分爾雅小學爲二類唐志宋史以爾雅入於小學今從
之孔壁古文後有孔鮒小爾雅一卷顏之推証佐音字四卷
又字始三卷顏真卿筆法一卷又韻海鑑源三百六十卷顏

國朝潼關道孔興鈺塾訓一卷戶部主事孔繼涵有校訂張參
五經文字疑一卷唐元慶九經字樣疑一卷

史類

古史之體可見者惟書與春秋班氏七略無史門以古來及
秦漢之史附於春秋之末自荀勗分爲經史子集四部後世
志藝文者因之馬貴輿作通考遂削去班志春秋略內世本
以下八史門是也前史史類有正史有編年有雜史有故事
有職官有傳記有譜牒有地理增減不一今考邑人之修正
史者孔文祥漢書音義鈔二卷顏游秦漢書決疑十二卷顏
師古注漢書一百二十卷師古又與孔穎達撰隋書八十五
卷志三十卷又唐秘書監孔紹安撰梁史若干卷未成正史

而外孔衍有春秋時國語十卷春秋後國語十卷漢尚書十

卷漢春秋十卷後漢尚書六卷後漢春秋六卷魏尚書十四

卷

梁錄十卷
隋志八卷

魏春秋九卷漢魏春秋九卷國志歷五卷長歷

十四卷千年歷二卷晉孔晁等晋明堂郊社議三卷北齊孔

拱有讀史三卷唐顏師古大業拾遺一卷獬豸記一卷靜亂

安邦記一卷安興貴家傳

卷

王會圖

卷

匡繆正俗八卷南部

煙花錄一卷孔至道百官要理一卷著作佐郎孔至姓氏雜

錄一卷與韋述等撰百家類例三卷顏真卿顏氏家譜一卷

宋孔宗翰撰闕里世系一卷

舊譜止載嫡裔此
乃合支庶而修之

仙源尉孔傳

撰孔子編年三卷

取左國公羊史記及
書紀孔子自生至卒

又東家雜記二卷闕

里祖庭雜記三卷文樞要記又良史事証一卷野史一卷釋

稗一卷金主簿孔環撰祖譜又祖庭廣記金權襲封衍聖公
孔燥撰續祖庭廣記元翰林院檢閱孔涇纂之經歷孔元敬
撰素王世紀參政孔淑撰元朝一統志闕里世系孔氏族譜
孔子世家譜自宋國子監以後代有纂修明孔承懿撰孔氏
新譜魯府審理孔宏幹撰孔門僉載孔承佃撰荆藩輔政錄
國朝戶部員外郎孔尚任因明學使陳鏞闕里志別撰新志二
十四卷又采曲阜民俗撰節序同風錄十二卷四氏學錄孔
尚竹又撰聖門禮志一卷樂志一卷孔衍璐有廟庭禮樂典
故卷衍聖公孔毓圻有恭紀

聖祖幸魯盛典四十卷衍聖公孔傳鐸有恭記

世宗修廟盛典五十卷孔貞瑄有滇紀一卷黔紀一卷泰山紀

曹縣卷五十三

著述

九

勝一卷縮地歌一卷明孔弘毅有曲阜縣志六卷孔弘幹闕
里文獻集四卷

國朝孔毓琚有曲阜縣志稿

二十六卷
未梓行

孔繼汾有關里文獻考

百卷

子類

前史於經史之後繼以子類而道墨名法九家與儒爲十亦
不倫矣曲阜守聖人之訓宜專取儒家言然韓子有言聖人
之道大而能博門弟子不能徧觀而盡識也故學焉而各得
其性之所近其後離散分處諸侯之國又各以其所能授弟
子源遠而未益分惟曾氏之傳獨得其宗故自曾子十八篇
子思二十三篇孟子十一篇而外其擇焉不精語焉不詳者

蓋亦有之今考漢志有漆雕子十三篇宓子十六篇公孫尼

子二十八篇七十子之弟子尸子二十篇孔子高譚言十二篇孔鮒

有孔叢子二十一篇後人又為連叢子二篇魯人初公侯政

術十卷大中之人魯郡秦九韶數術大畧九卷晉孔衍兵林三卷

說林五卷晉廣州刺史孔汪雜藥方二十九卷孔衍杖書訣

一卷續書訣一卷宋顏延之詰幼文三卷纂要六卷北齊顏

之推家訓七卷筆墨法一卷孔元龍有洙泗言學卷唐洗馬

孔志約本草音義二十卷宋孔傳後六帖三十卷又雜說一

卷珩璜新論一卷元松江行省泰議孔克慧歷官紀歸田錄

卷并佚明孔承侗天人直指圖天理說日言夢解三教指迷四

事請教錄孔宏幹談柄孔貞燦家政一卷

曹豐卷五十三 著述

國朝孔尚任會心錄一卷孔毓埏拾鐸餘閒一卷衍聖公孔傳

鐸讀古偶志一卷

集類

唐志丁部集錄其類三一曰楚詞類二曰別集類三曰總集

類今曲阜之別集有孔臧太常集一卷孔融九卷唐志十卷錄一卷

晉御史中丞孔群奏議二十二卷廷尉孔廡集十一卷中郎

孔汪十卷孔甯子集十五卷孔欣集十卷顏延之集三十卷

顏峻集十四卷顏測集十一卷顏師古集六十卷孔穎達集

五卷顏真卿吳興集十卷又廬集十卷臨川集十卷今為顏魯公集

十五卷孔興集十五卷孔紹集五十卷孔巢父集十卷宋顏太

初鳧繹先生集十卷孔傳杉溪集十卷孔瓌行臺都事集林

憲雪巢小集二卷元孔汭行臺集五卷孔克堅祭酒逸稿孔

璞景叢集十卷孔元龍魯樵集卷拱錫山草堂集五卷村居

雜興三卷孔元演明德集十卷孔夢斗愚齋文集卷孔克宴

巢愚稿一卷儀賓孔希恭韋庵詩稿一卷芸窗贊古孔諤舞

雲春詠集二十卷孔公杰貽齋集孔公鏗沂零散人集孔公

恂詹事集二十卷孔公璜北窻迂叟稿孔公鞠元和景象集

南坡集泗漁集泗漁樂府孔公琅東村耕隱集孔彥臣秋塘

樂府孔承慶禮庭吟孔承懿南坡集橋梓聯編五卷孔弘幹

淳龐風味孔弘頤北遊吟西山雅吟唱酬集孔聞詩奏議一

卷孔貞瑄聊園文集一卷聊園詩略十三卷詩續集一卷孔

貞燦西園詩一卷孔貞時在魯齋文集

曲阜縣志卷五十三 著述

十一

國朝孔尚任岸塘文集六卷湖海集十三卷桃花扇小忽雷大

忽雷二卷孔衍欽溫泉集一卷孔衍斌題畫詩一卷孔衍譜

小岸詩一卷顏氏家乘顏澹園藏稿十子詩略水明樓詩未

信堂近稿顏學山稿孔興詔滇遊集一卷孔興治詩鈔一卷

衍聖公孔毓圻蘭堂遺稿二卷孔毓埏遠秀堂集八卷曲阜

縣賦一卷孔毓璘水木山房詩一卷孔興鈺石倉詩選一卷

陳見智哂園吟草一線天傳奇二卷衍聖公孔傳鐸安懷堂

文集二卷申椒詩集二卷繪心集二卷盟鷗草一卷紅萼詞

二卷炊香詞三卷孔傳鈇補閑集二卷清濤詞二卷軟銀鈇

孔傳鉦炊經堂詩集四卷孔傳樅芥圃遺詩一卷孔繼溥純

齋遺草一卷孔繼沂五泉莊擬古樂府一卷衍聖公孔廣榮

敏求齋文集八卷詩集四卷外集一卷顏肇維鍾水堂詩孔
毓琚紅杏山房詩一卷顏懋僑江干幼客詩集蕉園集西華
行卷顏懋倫友研山房集陶湘橘村集一卷顏伯珣 詩
集顏懋企稽鬼談神錄飛塵集說東壁偶識葆光樓隨筆知
依堂筆記卷孔傳堂學修雜記識字日知琴律易知四卷

曲阜縣志卷之五十三終

曲阜縣志卷五十三

著述

三

類記第四之十九

男承焯編

先儒謂時王褒周公之後比於先代故巡狩不陳其詩其篇第不列於樂師是以宋魯無風顧魯頌本國風之體而風詩之軌猶時時見於他說至於重道崇儒雅頌興焉在古有傳於今最盛謹倣朱子輯楚辭後語之法旁蒐博采取其近似者別爲風雅頌類三卷

風類

侏儒

譏臧孫也魯襄公四年邾人伐郟臧孫紇救郟敗於狐駘國人誦之

臧之狐裘敗我於狐駘我君小子侏儒是使侏儒侏儒使我敗於邾

曲阜縣志卷五十四

風類

濟洹

記夢也聲伯夢涉洹或與已瓊瑰食之泣而爲瓊瑰盈其懷從而歌之未幾卒

濟洹之水贈我以瓊瑰歸乎歸乎瓊瑰盈吾懷乎

我有圃

諷南蒯也季平子立不禮於南蒯蒯以費叛如齊旣而將適費飲鄉人酒鄉人爲之作歌

我有圃生之杞乎從我者子乎去我者鄙乎倍其鄰者耻乎已乎已乎非吾黨之士乎

嘉名

悼伯姬也伯姬事見列女傳琴苑要錄名伯姬引

嘉名潔兮行彌彰托苦節兮躬喪歎欽何辜遇斯殃嗟嗟奈何罹斯殃

鸛鶴

諱也魯昭公二十五年有鸛鶴來巢師已曰異哉吾聞文武之世童謠有之今鸛鶴來巢其將及乎

鸛之鶴之公出辱之鸛鶴之羽公在外野往饋之馬鸛鶴踈踈公在乾侯徵蹇與孺鸛鶴之巢遠哉遙遙稠父喪勞宋父

以驕鸚鵡鸚鵡往歌來吳

麇裘誦聖政也呂氏春秋云孔子始用於魯魯人驚誦之及三月政化大行又作誦

麇裘而鞞投之無戾鞞而麇裘投之無郵 衮衣章甫實獲

我所章甫衮衣惠我無私

龜山操嘆魯也季氏受齊女樂孔子欲諫不得退而望魯龜山作此曲

子欲望魯兮龜山蔽之手無斧柯奈龜山何

彼婦愛讓也孔子去魯師已送之孔子曰吾歌可夫

彼婦之口可以出走彼婦之謁可以死敗蓋優哉游哉維以

卒歲

蟪蛄念故國也

違山十里蟪蛄之聲猶尚在耳

曹縣志卷五十四 風類

二

臨河憫人窮也孔子自衛入晉至河而返遂作歌

美哉水洋洋乎邱之不濟此命也夫 秋水行兮風揚波舟

楫顛倒更相加歸來胡為斯

息鄴倦遊也孔叢子云趙簡子使聘夫子夫子將至及河間鳴犢實犢之見殺也邈輿而旋之衛還息乎

鄴遂為操

周道衰微禮樂陵遲文武既墜吾將焉歸周遊天下靡邦可

依鳳鳥不識珍寶臯鳴眷言顧之慘然心悲巾車命駕將適

唐都黃河洋洋攸攸之魚臨津不濟還轅息鄴傷子道窮哀

彼無辜翱翔於衛復我舊廬從吾所好其樂只且

槃亦息鄴操也家語云臨河不濟還息於鄴作槃操

乾澤而漁蛟龍不遊覆巢毀卵鳳不翔留慘子心悲還轅息

大道歎莫我知也孔叢子云楚王使使奉金幣聘夫子宰子冉有曰夫子之道至是行矣遂請見問曰太公勤身苦志八十而遇文王孰與許由之賢子曰許由獨善其身者也太公兼善天下者也然今世無文王雖有太公誰能識之乃作是歌

大道隱兮禮為基賢人窺兮將待時天下如一兮欲何之

邱陵

歎讒蔽也孔叢子云哀公使以幣如衛迎夫子而不能用故作是詩

登彼邱陵崩施其阪仁道在邇求之若遠遂迷不復自嬰屯蹇喟然迴慮題彼太山鬱確其高梁甫迴連枳棘充路陟之無緣將伐無柯患滋蔓延惟以永歎涕淚潺湲

鶉鴉

記異也衝波傳云有鳥九尾孔子與子夏見之人以問孔子曰鶉也子夏曰何以知之孔子曰河上

之歌有之曰云云

曹縣志卷五十四 風類

鶉兮鴉兮逆毛衰兮一身九尾長兮

猗蘭操

傷不逢時也

習習谷風以陰以雨之子子歸遠送於野何彼蒼天不得其所逍遙九州無有定處世人闇蔽不知賢者年紀逝邁一身將老

杏壇

懷古也魯哀公十二年孔子過故壇歷級而上顧謂子貢曰茲壇乃臧文仲誓盟之壇也觀物思人

因命琴而歌後世因名之曰杏壇吟

暑往寒來春復秋夕陽西下水東流將軍戰馬今何在野草

閑花滿地愁

此詩疑為後人偽托姑據舊志稿存之

泣麟

嘆窮也孔叢子云叔孫氏車子鉏商獲麟夫子往觀之泣曰麟出而死吾道窮矣乃嘆而作歌

唐虞世兮麟鳳遊今非其時來何求麟兮麟兮我心憂

泰山歎逝也

泰山其頽乎梁木其壞乎哲人其萎乎

貍首原壤母死夫子助之沐郭壤登木而歌也

貍首之斑然執女手之卷然

蠶績美子臯也成人有其兄死而不為衰者聞子臯將為成宰遂為衰成人歌之

蠶則績而蟹有匡范則冠而蟬有綉兄則死而子臯為之衰

桑戶刺狂也子桑戶孟子反子琴張三人相與友子桑戶死未葬孔子問之使子貢待事焉或編曲或鼓

琴相和而歌

嗟來桑戶兮嗟來桑戶兮而已反其真而我猶為人猗

玉蘂求援也哀公十二年會吳於黃池吳甲叔儀乞糧於公孫有山氏之詞

佩玉蘂兮余無所繫之旨酒一盛兮予與褐之父睨之

曲阜縣志卷五十四 風類

四

魯人之臯識魯之緩也

魯人之臯數年不覺使我高蹈惟其儒書以為二國憂

女貞木辭處女明志也樂錄云魯處女見女貞木而作是歌

菁菁茂木隱獨榮兮變化垂枝含蕤英兮脩身養志建令名

兮厥道不同善惡并兮屈躬就濁世疑清兮懷忠見疑何貪

生兮

黃鵠節婦陶嬰表志也事見列女傳

悲夫黃鵠之蚤寡兮七年不雙宛頸獨宿兮不與眾同夜半

悲鳴兮想其故雄天命早寡兮獨宿何傷寡婦念此兮泣下

數行嗚呼哀哉兮死者不可忘飛鳥尚然兮况於貞良雖有

賢雄兮終不重行

秋胡行

傳奕戀烈婦也魯秋胡子娶婦三日往仕於陳五年而歸遇婦人採桑者以金挑之婦不顧也歸見其母問其妻則採桑者婦責之以義自投河而死

既享顯爵保茲德音以祿頤親韞此黃金觀一好婦採桑路
傍遂下黃金誘以逢卿玉磨愈潔蘭動彌馨源流潔清水無
濁波奈何秋胡中道懷邪美此節婦高行魏義哀哉可愍自
投黃河

擬五雜組

顏真卿自嘆也

五雜組繡與錦往復還興又寢不得已病復枕 五雜組甘

醜醋往復還烏與兔不得已韶光度

將歸操

韓愈擬孔子作也

狄之水兮其色幽幽我將濟兮不得其由涉其淺兮石齧我

曹皇縣志卷五十四

風類

五

足乘其深兮龍入我舟我濟而悔兮將安歸尤歸兮歸兮無
與石鬪兮無應龍求

猗蘭操

韓愈擬孔子作也

蘭之猗猗揚揚其香不採而佩於蘭何傷今天之旋其曷爲
然我行四方以日以年雪霜貿貿薺麥之茂子如不傷我不
爾觀薺麥之茂薺麥之有君子之傷君子之守

龜山操

韓愈擬孔子作也

龜之氛兮不能雲雨龜之枿兮不中梁柱龜之大兮祇以奄
魯知將隳兮哀莫余伍周公有鬼兮嗟余歸輔

殘形操

韓愈擬曾子作也琴錄云曾子夢見一狸不見其首作曾子一作魯子

有獸維狸兮我夢得之其身孔明兮而頭不知吉凶何爲兮

覺坐而思巫咸上天兮識者其誰

洙泗

懷聖里也四章一章十二句二章三章章十八句四章十六句南海霍韜嘉靖癸未謁闕里越五年

見衍聖公懷仰昔日因爲詩以誌之

昔跡洙泗亦涉其流涉流潺湲不以濟舟豈無流水不以濟舟
漪彼流水豈維濟舟萬里清流萬古安流會海共壑區宇
扶浮 昔跡洙泗亦問其源脉脉其悠淵淵豈彼造次

是可問津浴彼洙水旣浴我塵浴彼泗水復浴我塵塵斯浴
矣敢云問津飲彼洙水旣洗我心飲彼泗水亦洗我心心則
洗矣敢云問津 昔跡洙泗亦瞻孔林維檜斯茂維柏斯森

猗彼檜根今幾千春猗彼柏陰今幾千春瞻彼檜矣天露爲
之漑瞻彼柏矣天露爲之澤粵檜與柏實天生德澤彼檜柏

曹縣志卷五十四

風類

六

萬世之陰勿剪檜柏萬世之心 昔跡洙泗亦望岱宗萬仞
其遙萬仞其崇眇予小子南荒之棄望山斯登望流斯沂矧
伊岱宗四岳所視彼何人斯允懷岱宗彼何人斯同陟岱宗
瞻彼岱宗之人兮悠悠我心

猗蘭

陳廷敬擬古也四章章四句

猗猗其蘭迺在空谷我行四野奚處奚宿 其蘭猗猗幽幽
其香雜彼蕃蕪我心相羊 蘭其如何維霜及霰時節晚暮
不我能見 子不我見我心則夷悠哉以老樂天弗疑

文檜

孔貞瑄詠夫子手植檜也六章章四句

文檜一章左旋其理厥體斯直厥影不倚 文檜三尋萬木
亞其尊天挺厥幹地厚其根 手澤恒新世莫槁之振古特

立神或保之 潤以雨露淬以風霜本支萬億永庇無疆
樹之楷模貽之準標運有滄桑兆之枝條 靈怪讐伏奇詭
震聞莫敢或託之匪子所云

沂舞春

孔貞瑄紀勝也
三章章四句

周道兮砥平山川萃秀兮魯城杏壇芹席兮春滿絃綬兮希
聲 昫昫兮魯原雲樹翳翳兮沂村文杏謝榮兮春莫雨淨
塵埃兮日暄 岸草兮如羅沂沂水兮素波童冠怡怡兮容
與無懷氏之民兮來遊來歌

曲阜縣志卷之五十四終

曲阜縣志卷五十四

風類

七

曲阜縣志卷之五十五

知縣楚安鄉潘相修

類記第四之二十

男承焯編

雅類

行易

呂祖謙尊周公也

公允達孝孝隆行易文重者八包含未析邇位生爻陽升陰抑情能去凶世誰非吉元覆黃承辭動居逸意與天會豈惟

子述

尼山

揭傒斯尊孔子也九章章四句

峩峩尼山蔽於魯邦篤生聖人維民之綱 尼山之下有洙有泗有蔚孔林在泗之渙 維彼聖人誘之教之凡厥庶民則而傲之 維彼聖人覆之載之凡厥庶民敬而愛之 既

曹縣志卷五十五

雅類

一

誦其言亦被其服孰秣其馬于林之側 既誦其言亦履其武孰秣其馬於林之下 六轡既同周侯之東薦之侑之聖人之宮 其音洋洋其趨踰踰其臨皇皇聖人允臧 周侯之東式昭其敬載瞻載思罔不由聖

煌煌者官

陶欽臯謁廟作也三章章八句

煌煌者官濯濯者豆載陳載瞻聖其予觀維宮煌煌維豆濯濯秉心則虔神明斯若 聖人在天其天其淵降自何方望之儼然儼然來臨樂此聖心尸居廟堂示我德音 聖不可知神不可思日月為輪驟而去之往來有路闔闔有戶不忘

者人萬世之下

周廟

李東陽祀周公也三章章四句

淤於庠薦於庭坐於廟堂孰使我冠裳兮 或飽而飲或煖
而舒或佚而娛孰安我起居兮 孔道之傳兮周祀之綿兮
魯封之存兮曷以不永年兮

新廟

李東陽奉祀新廟也五章一章六句
二章章七句一章八句一章十句

巖巖岱嶽新廟有作爰經爰度惟舊規是若載增載拓以光
於前略 新廟旣構其輝孔炤如輻斯輳如越斯茂若繪若
繡惟功之懋厥有加於舊 惟天降舊鬱攸是崇惟斯文之
炯惟帝降命有嚴厥工惟中丞之風監司之功 廟祀伊俶
帝命孔肅曰此大事我其可弗告柔牲冊祝予輔臣是屬臣
拜稽首臣曷敢弗恪 廟旣新止禮旣殷止聖靈降監饗吉
蠲止天在斯文實亨厥屯如貞斯元如冬斯春惟國有明祀

曹縣志卷五十五 雅類

二

於千萬年

謂山蓋高

黃克纘調
廟詩也

謂山蓋高其巔可陟謂海蓋深其淵可測惟我夫子莫究其
極際天蟠地斯道充塞爲萬世師爲百王則可名非名大德
非德嗟我小子實鮮知識早歲誦法垂老未息如窺堂與尚
阻於闕茲來闕里廟貌是式稽首庭除若見顏色徘徊廊廡
有嚴有翼禮非能恭而恭斯克蒼蒼古木挺然正直神物呵
護歷歲千億周人思召甘棠封殖非物之懷惟德是憶況我
聖道饑渴飲食人之懷思孰能去臆我來自東保釐是職有
職不舉厥罪安匿明明聖訓就列陳力詩以責躬莫之敢飾

岱宗

李振裕紀 東巡也
十二章章八句有序

皇上文德武烈震揚域外海隅寔安民有禮樂絃誦之習蒸蒸
響風迺循覽謠俗還過闕里以太牢祀孔子禮儀致敬齋
其事作詩以賦
予有加臣謹詠歌

岱宗巖巖遐邇具瞻登封受命上帝是監維嶽降神篤生尼
父大道昭明炳焉終古 於皇時清繼天立極累洽重熙與
民休息苞葉旣除干戈永戢偃武修文風行四國 歲維甲
子歷起上元翠華南指旌軒雲屯肆覲東后百辟駿奔頽臨
日觀傍矚天門 泰山之陽曲阜之宅萬乘回鑾里門是式
奕奕木支恭迎清蹕下輦升堂祀典攸秩 軒縣鞀矣樂具
奏矣尊壘旣陳饗醴侑矣俎孔碩矣

天子獻之豆孔庶矣

天子薦之 祝史有辭我

曹縣志卷五十五

雅類

三

皇黼藻曰萬世師揭此顯號華蓋九旂於飾於廟姬公孟子亦

越奠告

皇曰噫嘻相予肆祀濟濟臣工莘莘胄子布席橫經披陳奧旨
圓橋肅聽睟容有喜

皇陟泉林厥流孔漈

皇撫檜文厥枝孔虬憇之植之曰惟尼父

皇心愉愉爰紀爰賦

帝恩優渥零露灑灑流根潤葉受祉無疆匪曰賚之孔氏之光
斯文丕顯邦家之慶 泗水湯湯孔林蒼蒼文草靈著輦路
之傍樵蘇有禁舊不踰頃今也廓之數兼常等 奎畫有燁

垂象神宮取彼琬琰是琢是龔豐碑百尺萃律大東歷年億

萬與岱比崇 維山有岱維天有漢

皇德是峻

帝文是煥大道彰矣治化翔矣日月星辰慶重光矣

上帝靈鑒

徐元文美 東巡也 十二章章八句

上帝靈鑒貺我

皇清我

皇秉聖

三后適成克誠九區交暢六英美我

皇度翼翼明明

維歲甲子冬日載融

皇時省方屆於大東

鑿輅雷野芝旂翳空清濟漸車靈嶽望

風峩峩靈嶽表鎮曰岱馳走百神苞并萬態陋彼升封虞帝

曲阜縣志卷五十五 雅類

四

是配登覽雲物鬱何靄靄

洪河泆滂長江蕩涵龍艦星移

及吳之域惠彼小民湛我

皇德還御六虬袞服是卽

陪尾之陽四源交瀉水哉水哉不

舍晝夜

皇過川上神契元化瞻望闕里僕臣趨駕

麟蹤既邈鳳德何

長教澤宏衍翊我

聖皇萬乘至止夫子之鄉章縫迎路簪黻升堂

於赫夫子濯

濯厥靈肅將苾芬祀事孔明鬱鬯龍勺象彛犧尊八音克諧

羣后駿奔寢宮軼軼夫子所憇

皇陟於庭探索琴佩芳颺猗蘭青浮鐵檜見於羹牆其容有睟

防阜之林百頃交陰異國珍產蔚爲同岑文楷輪囷以杖以

樽挈其叢著穆哉

皇心 穆哉

皇心更御彤几爰 命毓圻秩爾孫子肆列組筵進講以次遺

經再展

皇心燕喜

皇錫毓圻錦衣貂裘庭列曲蓋以享春秋毓圻稽首

天子萬壽

皇詔毓圻保艾爾後 東野支封禽父是宗錫之冠帶以康周

公兩聖作師文其在茲敦儒闡道千載一時 惟星則煌惟

雲則爛 聖藻光輝輝於天漢懋建有極登道之岸昭示萬

邦如日斯旦

曲阜縣志卷五十五 雅類

五

曲阜縣志卷之五十五終

曲阜縣志卷之五十六

知縣楚安鄉潘相修

類記第四之二十一

男承焯編

頌類

巖巖孔聖 張超頌聖也

巖巖孔聖異世稱傑量合乾坤明參日月德被八荒名充遐

外終於獲麟道歌魯衛

元鏡 曹植頌孔子也序曰自五帝典絕三皇禮廢應期命世齊賢等聖者莫高孔子也故有若曰出乎類

拔乎萃誠所謂性頌天道不可得而聞矣頌曰

由也務學名在前志宰予晝寢糞土作誠過庭子弟詩禮明
記歌以詠言文以騁志予今不述后賢曷識於鑠尼父生民

之傑性與天成該聖備藝德倫三五配皇作烈元鏡獨鑑神

曲阜縣志卷五十六 頌類

明昭晰仁塞宇宙志凌雲霓學者三千莫不俊又惟仁是憑

惟道足恃鑽仰彌高請益不已

皇矣尼父 孫楚頌聖也

皇矣尼父聖哲之傑德比天地明齊日月周室陵遲大道蕪

穢禮樂崩阻姦雄罔世乃養門徒廣延俊又垂訓列國頌聲

魯衛威震夾谷義厭陳蔡德之休明幽而彌泰超美三代風

馳雲邁

天開皇明 孔公恂頌車駕幸辟雍也

天開皇明奄有萬方垂斯百年中葉彌昌太祖太宗仁廟宣
考四聖同功以傳以紹天祐國家俾熾而昌全以所統付之

我皇我皇御極清明在躬仁漸義摩道洽德融東夷西戎南

荒北漠曾不踰年式歌且樂皇不以庸承以謙冲惟儒是重
惟道是崇以身立教事此臨雍乃命太常毛炘牛羊劔羹太
載有苾其芳乃命倌人法駕以陳玉輅龍孫繹繹循循龍旂
陽陽和鸞雍雍我皇戾止頤邛斯容玉帛煌煌鼓鐘鏘鏘我
皇淵塞以將祀享諸侯皇皇大夫濟濟我皇於穆載宣經理
猗歟休哉地闢天開神人歡悅前古莫偕龍興而雲虎嘯而
風億萬斯人於樂辟雍辟水洋洋聖謨孔彰臣佩德音沒世
不忘再拜稽首敢作頌辭於以祈嘏於以祝釐祚我皇明如
日方升我皇攸寧百千萬齡

惟聖體道

陳廷敬頌
幸魯也

皇帝臨位二十有三年海寓寧和黔黎輯乂仁聲布流旁暢域

皇皇縣志卷五十六 頌類

二

外肅肅雍雍咸稱

聖意於時三事大夫颺言曰昔者刻玉遊河披圖巡徯襄野之

駕塗山之會皆能焜耀簡籍垂於將來仰惟

皇上當位作聖首出建極君師之統千禩一時乃猶屈已求賢

虛懷訪道廣履細旃之上誦吟冊書潛神討研宵旦不輟

勤踰儒素退稽統緒嚮往孔子思致殊禮肇盛典者久矣

今茲萬國既同文化懋興宜遂以時宜省風教展義魯邦

下塞衆望

皇上擬睿思延廷問久之廼

詔曰事先師禮重且嚴惟茲二三輔弼暨廷臣之嫻於制者采

擇古義以聞又

詔曰汝廷敬實惟予舊講臣其與議所宜行臣從諸臣後議具

上

皇帝曰俞朕慕聖道敬因東巡狩詣先師宅里其毋重煩吾民

供億於是肆赦軫農放稅已責弘敷愷澤於天下然後乃

歷吉日協靈辰野廬警路官正設蹕玉輿曉升帷殿夕御

前馳朱旗屬車白羽以臨乎岱宗是時未臻乎闕里也飛

廟淮江觀民設教月屆黃鍾旋軼南陸聿來聖居覽觀林

答臣廷敬向以儒學猥蒙擢任又特被

勅旨議禮恭賂禮成不勝歡忭震躍伏而思曰前代之崇禮者

可紀矣太宰特祀肇自西京褒成祿將爰及東漢貞觀定

朝會之儀開元錫文宣之號器物之賜渥於廣順陪位之班詔始祥符至和加衍聖之稱希安世曲阜之令皆名爲崇儒重道而備物致誠忘勢而希至德惟我皇上爲列辟稱首臣以淺識窺較萬世師表之稱則與乾坤同其悠久也六經表章之澤則與日月並其光華也留鳳蓋於戟門車服禮器所未備也頒龍章於鄉校普天率土所共瞻也喬喬皇皇莫與京矣
臣謹拜手稽首而獻頌曰

惟聖體道生民拔萃德踰位兮惟

帝則聖統壹萬類位斯配兮

龍飛於天周覽八極嘉鳳德兮聖作物睹垂祀萬億視魯國兮

帝開明堂於羨於牆坐則見兮

帝會方岳東西南朔來殷薦兮

鑾輿戾止鏘鏘穆穆金絲肅兮

駐蹕古亭雲霞委屬清泉澗兮 上公稽首籛豆奔走昭世守

曲阜縣志卷五十六 頌類

三

兮暨四姓後博士童耆

恩滂厚兮 賜所過租歌騰於塗惠我人兮惟

帝福我我神其妥戴

大君兮 莘莘髦士百爾濟濟頌聲起兮於赫

帝功與天比崇無終窮兮

璇樞 彭孫逾頌

聖也八章章八句有序

臣聞三才懋建作極者惟皇六位時成亶聰者惟后故有禮樂刑政以爲宰世之權有中正仁義以爲綏猷之準自河洛苞符以後暨帝王禪繼之年莫不兼作君師總司治教龍章觀象卽開道法之宗鳳展當陽迭啟見聞之緒皇皇乎郁郁乎斯無得而喻也周德既衰典章攸數夏正歸藏之學溯二代而無徵程熙執競之心歷數傳而寢晦於是玉麟授簡洩天瑞於素王珠纒儲精吐靈徵於元聖乘覺民之木鐸握定世之珍符繫易象而作春秋剛詩書而正禮樂王事備天德明軌則咸昭彝倫式敘蓋九皇之軌躅獨萃平鄉七聖之源流同歸泗水矣兩楹告夢諸子雜

與正學衰微羣言淆亂非無英君誼辟恢大業於方新學
士大夫探微言於將墜而道風猶鬱治化未醇然則代闕
千年緒分百氏而欲六五帝四三王闡圜攬鳳德使景
星慶霽暉麗於中天玉節金聲鏗鉤於終古自非

聖人而在
天子之位其道無由也

皇帝纂述丕基撫定方域聰明睿智質稟於生知文武聖神德
全乎廣運天策內摠而入統風動威弧外指而六合雲行
黼幄澄懷則宸鏡徹圖書之蘊形泥發檢則奎章摛日月
之華溫澄懋而協氣同流垂裳而兆人自理大猷升矣皇風
穆焉然後憑軾南巡結旌東邁

躬臨闕里謁祀尼山詎萬乘之尊修嚴師之敬威儀允秩典禮
有加

睿藻鋪述大文炳煜褒衣博帶之士踴躍而趨風瞻雲就日之
休明宜有宣述敬拜手稽首而獻頌曰

璇樞啓泰瓊筴迎長三階有謚七曜重光丹莖集陸紫茵生
房道洽政治洪惟

聖皇 上繪下綸左干右羽蒼萃禮園翱翔書府衛室採風明

曹豐縣志卷五十六 頌類

四

堂稽古萬彙順成百昌蕃廡 至仁普溥淳化龐鴻受球冀

北鳴鸞究東泛瀛絜廣踐嶽倬崇謁祠宣聖展禮滋共 乃

戒乃儻乃洗乃盥廣樂在懸黃流在瓊薦號几筵登歌絃管

組豆之容愉愉衍衍 越若邃古儀象初垂以治以教作君

作師羲軒首出勳華代推禹湯文武羣聖同規 嶽嶽尼山

洋洋泗水祖述先型憲章往軌斯理未泯百世以俟道統攸

歸今在

天子 河珍剖韞洛寶開鍵道貺靜契德符動宣光闡經術寵

賁儒先聲漸教被民陶物甄 貞觀者天貞明者日炳炳

皇猷巍巍

聖德臣廁禁廬丹鉛是職稽首頌颺式示無極

於鏢徐元正頌
聖也有序

皇帝御極之二十有三年甲子壽域遐開仁風丕暢民俗和樂
農穀殷昌溥海內外罔不臣順賓贊稽首來庭文德漸被
訖於遐邇巡喬由翁百神懷柔

皇帝念至治休明衷乎聖道道統之盛生民迄今莫孔子若神
京去曲阜千有餘里緬惟風教薰德若鄰必秩隆儀修殊
典乃自光四表而型百辟於時霜野獲雲稼登爰
命鑾輿發自燕郊從官衛士後先肅伍龍旂飛揚曉藹山
帑田叟咸得迎觀清光懽怍率舞於道既詣闕里

皇帝將有事於廟堂望見奎文閣卽下輦步入大成殿行釋奠
禮豆籩靜嘉饗酒旨潔薦禋降登卽事益虔祀畢敬題萬
世師表四字以垂示永承又撤鹵簿中御蓋俾藏諸廟旋
駕幸聖林祇拜如謁廟加周公裔孫博士復命阜田租一歲于

聖天子重道崇師推恩及物曠古未有此治與道偕隆君與師
兼作葢非孔氏一家之私榮直邦家之慶而史冊之光也
臣元正遭逢

聖世父子並列禁近臣父倬又嘗承乏西陲習睹
皇上尊師重道之盛遂不自揣其詞之猥瑣而系之以頌曰
於燦景運元會維新黃鍾迴律

曲阜縣志卷五十六 頌類

五

大輅東巡瞻言泰岱孕靈降神揭揭宣尼秉道師尊廟貌闕里
星拱北辰止輦升堂

睿容肅溫

至尊北面而拜哲人釋奠有恪潔毛繁蘋璇題藻句皆採本真
聖克知聖非直以文遂灑宸墨爛若星雲詣謁林墓徒御星奔
靈著葳蕤古楷輪菌撫茲卉植手澤未湮崇祀弘澤延及後
昆蠲租賜復式道推仁周魯故國姬宗麟振予以世秩實創
厥恩舉其大者卓於千春士走相告幸邁休明

聖作於上愚敢不承敷於四海至治丞蒸式昭盛典萬禩準繩

防陰徐乾學頌
聖也十四章章八句有序

臣聞禮樂之祀百世不絕道藝之宗萬禩永守泗水松楸
之地殿接靈光稷門絲竹之堂里通歸德玉駟載驚而後

皇上以神聖之姿致雍熙之治兩階樂正簫韶昭秉歷之符三
禮秩宗珪璧有成功之瑞山川協應日月光華用徵肆觀
之儀遂舉時巡之典於是星紀司歷陽灰動管籥雲不散
榮光竟天致享靈祠式瞻古殿徘徊乎萬仞陟降於兩楹
三獻告終六樂具舉智源溢涌文槍龍蔥集四氏以加恩
進諸生而講藝爰揮

宸章懸針垂露之書綴玉編珠之句雲霞標舉星日昭垂至乃
撤羽益之九旂留諸殿寢損太倉之萬廩捐彼田租肅將

公旦之祠徧秩羣賢之祀事有曠而特舉典無鉅而不修
且夫褒揚至道洪業也崇禮先師上儀也

萬乘屈尊盛節也四方觀化極治也樂於輓軌踵於義農臻憲
度於韶夏含齒戴髮渾淳乎禮樂之中反踵貫胸匪洽乎
詩書之澤顯各榮號詎不懿哉臣乾學忝竊崇階叨逢景
烈違史談從俗之願效吉甫頌周之忱謹拜手稽首而獻
頌

防陰祥發泗水源分天垂黃玉神降丹文荒途典籍漆室邱
墳誰開茅霧實揭星雲 大野窮麟幽宮走兔堂闕金絲坑

曲阜縣志卷五十六 頌類

六

銷竹素燼滅江陵波沈底柱五厄頻遭六經非故 非無顯

德亦有乾封祥符駐蹕建武臨雍三犧備具六樂春容治非

極軌禮故殊逢 道以人宏聖由天授於鑠熙朝洪惟我

后驪栗扶輪義軒挹袖樂御德車禮耕仁耨 羹牆至道夢寐

微言登山卑垤觀海知源時臨講席屢幸橋門

皇情紆眷

聖意逾敦 總覽前規旁參故禮議合容臺斷由綈几推策仲

冬披圖甲子秩於岱宗旋臨闕里 歲斐豹尾颯沓龍旂千

乘欲野萬騎斷流山寒樹直天濶雲稠言停翠蓋泚止華輈

檜徑晨除杏壇夙設壁水鱗紋玉階肪截趨踰五氏一作四氏

森羅十哲祝史詞陳司筵籟潔 爰觀綴兆乃奏和寧循牆

彌蕭薦俎惟馨昔讀其書今陟其庭淵源一氣登假無形

俯仰松楸徘徊榱桷展敬封塋還披講幄孝先便便克宗

嶽嶽同異相參精微互駁煌煌典誥爛爛奎章銀鈞

飛動玉軸琳瑯鳳觀虎臥鵠顧鸞翔輝流翠拱麗溢縹緗

惟茲羽葆實陳鹵簿顧謂司儀留諸殿廡有續皆挾有粟

斯雨恩先四氏膏流萬戶大禮備矣

皇曰旋歸雲迴黼帳風捲朱旂瞻言繡壤昔有袞衣蘋蘩造

告靈爽斯依欽我

聖德巍乎鬱律義峯造天智源盪日登三為四襲六而七小臣

作頌摘諸石室

崇儒

黃叔琳頌聖也七章章八句一章十句有序

曹縣志卷五十六

頌類

七

天子

成化天下尊崇我孔子之道於是薄海內外遠近學舍莫

不建立至聖廟以歲時修其祀事而闕里之地實為聖人

所居尤宜崇飾廟貌以法式天下緬惟講堂之闕則在建

寧之時其後歲時修葺必官為經理漢魏以還代加增飾

唐宋而後倍見恢宏至於乾封有詔天禱有勅則於歲修

常典之外別為崇峻廣厲之文者有總而論夫官牆之廢

典規模之建置則一厄於金之貞祐而鼎新於元之大德

再災於明宏治之己未而落成於宏治之甲子迄今二百

年以後追思二千年以前歷考先代御府之文遐稽遺告

穹碑之記如政和所頒門戟二十有四明昌所拓翼舍四

百餘楹靡不增高岱嶽助遙泗流然而丹檣碧瓦之輝煌

皇

上停輿魯地親祀禮成徘徊燕寢之間俯仰廊廡之下周巡

徧覽從容永日而書萬世師表之錫曲柄御蓋之賜

自立廟以來所未曾有乃葺回鑿以後特發帑金大

加修葺務使棟梁重峙丹雘維新千秋道術尤表於今時

萬載儒風獨隆於此日豈直青衿素領之士鼓篋如歸褒

皇

上廣揚文教宏政儒宮如此其盛莫之能京允宜從史克之

後作爲歌詩仰宜
聖化不敢以陋淺爲辭乃拜手稽首而獻頌曰

奕奕新廟尼山所宅

天子有命增華於昔經之營之孔曼且碩是斷是度九丸松柏

惟此松柏其高參天杏壇之側泗水之邊瞻言廟貌靈祠

巍然其庭殖殖其楹閑閑 鑾輿至止大小咸喜勞我

聖皇親舉玉趾宮寢廊廡周覽環視赫赫嚴嚴

天顏在咫

帝眷聖道尊崇無外褒以雲章錫以御蓋廣運精思以賦古楹

凡厥後裔沾恩汪濊 惟

帝有念念茲儒宮歲時修葺歷代或崇鼎新革故則待鳩工其

塗丹雘以契予衷 乃命司天撰辰擇吉乃命司空度材營

曲阜縣志卷五十六 頌類

八

室出自內府朱提萬鎰刻桷雕甍其成不日 廟事旣舉來

覲來齋攝衣屏息歷級升階士無怠氣人無惰懷肅肅雍雍

以莫不諧 惟我孔子萬世之綱惟我

天子萬方之王闡揚聖教其道大昌作茲新廟巍巍煌煌闕里

之澤天下之光

肖德

夏之蓉頌
東廵也有序

皇帝御極十有三年大孝備舉文德覃敷念古者聖帝明王厥

德音下明詔將觀於泰山肇舉殷禮旣而萃於孔林惟是朝夕

定省或恐有闕遂親奉 皇太后車駕以行一時議禮之臣進而請曰廵者循也民可循

則循之狩者守也爲我守土則從而循順之然燧巢軒佶

金泥玉檢著於錄者七十二代則封禪之禮行焉今我

國家版築籍泐匾宇恢廓八風順應萬靈式序雖古皇王之盛

上帝使

聖德神功今古流樂且嘗按元嘉之儀開元之禮王者巡幸朝

警夕蹕旬陳扈壘罔有所闕况茲者

皇太后安輿戒塗周廬環衛其下所不可以簡凡車騎鈴棹帷城

皇帝則念秦漢以來六經中晦緬維先聖道實付予車服禮器

赫然並在將往觀焉至岱宗望秩載在虞典後儒附會紛

綸無足憑信其曷敢稍自滿假以啓怠心抑又念

皇太后仁儉之德率先天下不忍以輪蹄馳躡之故煩苦我父

老昔漢章帝南巡避所經地無得設儲胥命司空自架橋

道車可以引進引避之馬可輟解輟解之列史紀載以為

美談我

聖祖仁皇帝躬閱淮黃六巡南服職方不治塗掌舍不治宿櫺

行芟止而引領望幸者相屬於路是宜慎守斯道以繩

祖武若是夫馳道千里離宮百區叔季之主乃能為之亦何法焉

皇帝遂於二月戊午奉

皇太后車駕發京師所至之地市肆不易芸鋤無變囀髮黃口

如葵傾陽丁卯詣闕里行釋奠禮已巳祀泰山禮成奉

皇太后車駕還京師詔告天下

天以我清克肖其德大啓其世維

任與奴實篤生

聖子臨御萬邦協和衢熙壤擊載遊載歌 其歌維何念我

帝力庶或見之

翠華奕奕 其遊維何瞻我

帝光庶或見之

翠華琅琅

帝曰俞哉稽古明辟省方觀風而朕何為端居法官我車既攻

我馬既同四牡龍龍駕言徂東既而曰予其不可以往哉我

欲慰我民維

寢門之事弗躬弗親仰惟

慈壽沛厥

懿旨予則借往而弗中止迺登泰山泰山峩峩爰撤燿火陳其
乾魚瞻言闕里有罇有匏曲緻在御其音孔昭於斯時也笙
鏞迭奏琮璧並舉東魚西鳥里禾鄙黍嘉祥之應不召自至
者豈特一十有五曰有儒生執經跼蹠攀我

形幃析其疑義亦有田父於耜連連錯我

玉趾相其流泉麗肩者叟擊瓜而跪維

帝屈指算其甲子土龍者稚傍車而跳維

帝引手摩其雙髻道旁竊竊相語以耳是雖君我而我父母又

有父子兄弟羣居擬議其眉堯同其目舜似我瞻天表真

聖天子其鸞秩秩其組駢豐隆迴御義和轉輪迺給厥復迺

豐縣志卷五十六 頌類

十

獨厥租迺肆厥青迺賜厥醕維

聖母以愉

仙源九祝詩孔廣森頌 幸魯也一章八句二章七句三章六句四

章五章章八句六章八句二句七章

七句八章十句九章八句有序

臣聞書大傳曰聖王巡十有二州觀風俗習性情因論十
有二俗定以六律五聲八音七始箸其素匪直并論四會
九族具成而已亮有宣上徽德抒下愉情之誼焉粵在攝
提合維循蜚禪通之代麗鴻聲藹而未昭察越不可載已
厥有載者伊堯遊康衢倉髻巷歌黃髮擊壤舉陰三祝封
人是讓舜巡四嶽壇四奧八伯貢樂元祀代泰山居二焉
亞斯之世豫助諺夏樊般頌周遐邇五三不可殫述循是
觀之遘昌辰信景鍊者詎非臣子之至情振三古而若茲

者乎

聖天子德懋太初恩帟無外與天媿併曩地合持載迺武炎精
之令縱鞞舜黃之逸軌廓文命之厚生拓倉姬之子惠庸

省方觀民

談教以宣噭醞粹降婁之區五觀

鸞旂屢沐

純懿侯其律而丕天之定律也歲旅上章攝提格

皇上六秩萬壽昌期也于時三靈効祉五穀登衍萌兆克敏神
輿宗肇應期適成東土父老僉北面延頸企踵睇

輦運之在止

皇上以重光直安之歲
崇慶慈宣康惠敦和裕壽純禧恭懿皇太后壽艘八旬將因茲
以祝釐迎和綏福萃社應是俯俞臣民之請經五繇奉

安輿

省觀乎齊魯懷柔嶽神
釋奠元聖式序在位哀對兆姓
純殷湛恩日漸而雲盛于斯之時萌嬉于廋士靡于庠商儻于
肆農衍于畹霽易和芻飛征殷昌收收穆穆嬰嬰如也於
是衍聖公臣昭煥思欲舒音發詠頌

孝德

迺進臣廣森而告之曰孝經援神孝云天子之孝曰就就
者就也言王者愛敬盡于事親而德教加于百姓刑于四
海則福祿來就之也故法言序曰孝莫大于寧親寧親莫
大于寧神寧神莫大于四表之驩心我

璇宮

皇上邕至孝之德恁不置之道上事
下寧意兆登閣大化澤湖曼美烟燭四達霧集雲布雨散
仰暢九乾俯沅八埏堪嗟羣生而洽沉潛燭玉燭風永風
食年膏火飲平泉普天四海登春臺嶠嶠域者聿三十
五年於茲矣以故合儀以之重壁聯緯度之五珠因鈞鈴
以彪列冕老人星乎丙暇灑依旬甘澍於田偃入律和賦

曲阜縣志卷五十六 頌類

十一

于草清河晏海莫不順道欽哉

孝治

臻茲然猶恐
未浹不足以副勤卹至意乃奮願望陟喬嶽狂天門格乎
禮神之囿肅乎頌祇之庭賡夏后之嬰肆併周人之版縣
宗祈胙饗皇靈暗藹省騎容旌洪釐蕃社委積如山其兆
道文篋玉策者蓋殿意以萬甄酌於論省思聖翹勲菜房
鸞路 升香宅廟專浸潭之元德章滋榮之孝道聖靈宴娛誠祐

年壽

若揖五瑞攷成續存高年
資束帛黜東作敦稼穡提軌量一衡律恢崇復算劬農振業之
風式廣髦士合羣較道之塗俾

慈祥

之緒駢衍布濩于無極厥所以合萬國之歡心以介
聖母之曼壽者駢隱乎青社施及六幕煌煌乎茲事
帝者之上儀亘古之隆軌也故寰瀛烝庶自髦艾洎黃口罔不
馳思尊仰頌

聰明

睿符以孝况闕里自
聖朝握符以來每
親巡遠黎必
臨茲土禮文朝瞻聖風闡儒化
仁從景風鵝澤與和氣遊孔氏族姓含甘吮滋臧乎骨髓沾漑
乎黎世則遺茲貞期不益衍凱雀躍見藻哉且

慈算延洪敷天之厯禩也東泉爰木西格月蝓南檄丹穴北邸
祝栗凡含齒戴髮者胥榮辟雅拜金支玉梢以展臣庶誠
敬然皆企五雲拱

絳闕臚 慶典禩萬祺而已獨天齊仙源頒斌士女得親拜
慈輦之安念承

屬車之清塵祝玉斗貯算頌金策錫齡此欲愉懽釋拊舞跕溢
愈連蹀恒情萬萬也書曰詩言志歌永言聲依永律和聲
傳曰言之不足故嗟歎之嗟嘆之不足故詠歌之詠歌之
不足故不知手之舞之足之蹈之鋪觀詩三百篇魯伯禽
事厥轍可尋也魯僖以侯甸之任乘春秋之運稍遵伯禽
遺法修泮水之宮葺姜嫄之廟探厥所為未有豐功助德
可考於今者也亦猶歌孝德頌壽母詠燕喜拮隔松楊哮
呶吃喚者烏奕乎千載矧堂堂

聖朝赫赫盛事
聖孝錫類則猷美乎旣辭
眉壽多益則同符乎天保

懿德肆夏則儀炳乎時邁故侍從之臣咸揆嘉頌粹藻咏贊龍
虎之文鼎然與三代同風而東土士庶曾不克祖構史克
詩

帝綽之盛侍道人之邇不其懃歟曷作詩歌俾樂生弦次以揚
盛烈臣廣森伏思戴高者不能慶天之皇皇履厚者不能繼地

曹縣志卷五十六 頌類

七

皇之博博我

之德巍巍蕩蕩無能乎彌度顧思以黥淺之見鋪醇醲介繁
祉是謂寸管可闕曾穹履錐可指輪廣也且夫小雅之材
七十四大雅之材三十一如元公述壽考吉甫頌中興咸
宏材碩慮文章章斯上有以潤色鴻業下有以陳伶簫
而美終古若臣之黽識單慧豈唯弗克孟晉前修曾未敢
與今之英時俊邁齒迺自扃肌見妄測

崇博揀揀焉恐詞意踈礙不獲昭
聖德於萬分一惟六經之書其旨遠其詞文其稱物小而其誼
極大以之謳歎

盛德庶乎其宜迺摛詩書披禮樂倚春秋摭語孟雜襲綦輯祓
飾厥詞弟為九章名曰仙源九祝詩蓋竊比多壽之祝九
如之意云爾詩成請譜於臣昭煥臣昭煥曰昔漢王製刺

益州命王褒撰中和樂職宣布詩選學僮步鹿鳴聲歌之
誠以草豢筮弄非規矩雅律則詠歎運轉未必嗶緩舒釋
曲折不失節也鹿鳴自荀勗刻除後詞存聲佚世所傳風
雅不足上詩譜出趙彥肅迺李唐燕樂遺音非復雅蕪古調
雅不足上塵

宸聽 欽惟我

聖朝 聖相承建中和之極兼摠條貫金聲而玉振之用能革歷代之

天章

謬論追正始之元音以作中和韶樂其吹簫比竹又于鳳晨則嫺軒之都良合少焉離灑產沂籌馨贛鑄無相奪倫焉殷薦合漢細豎人情八風修通簫勺羣類則顓倍之承雲六列焉函官吐角激徵揚羽申商饗昭依韋雅聲遠姚則助華之大咸七始焉是以幽格明感談然交章夏而軼瑩誼闕里蒙

聖朝厚澤

頌樂器
賜樂章翁純皦釋鏗鉤闔鞞聞者悉係然嘔嘔喻喻金聲而玉色鹿鳴之三方斯蔑矣且韶樂淳典

聖祖仁皇帝闡載于前我

皇上紹衣演述笙緒于後凡樂本樂義樂禮樂制樂數樂器樂章樂譜成布在方策昭若揭日月雜誦之子投詩賦競四上極聲變悉可測其志和其情校德於墨質非若往代越起區沒制作必集會五經家相與共講習讀之迺能通知其意又其用弟能施之邦國而不克喻諸鄉人也今誠依大樂成譜步其抗墜句侷則舛墜之風雖未足擬

明廷雅奏而繁脣廉肉庶或不失

治世安樂之音乎臣退伏讀
欽定律呂正義三月律中姑洗姑洗角聲立宮黃鍾宮聲為羽

曹縣志卷五十六 頌類

七

皇上

主調日工字調黃鍾君也羽物也今
覆露黎蒸無逸作所

雲罕

東幸適艘宿月月之調均與
聖人茂對時育萬物之意合若符節謹依工字調譜

其重敏備樂生騰歌以
陳虔祝而抒情素焉

至德頌就也

聖人

至德

禮記 允臻其極 孝以事

親

禮記 孝思維則 詩 以天下養

孟 並受其福

易 於萬斯年

詩 天壽

平格 書

壽考東人駟

幸也

壽考維祺

儀 萬邦維慶

詩 魯邦是常

詩 引領北望

春秋左 氏傳

日猷

子

后書時邁其邦詩叶以近

天子之光書

歲之正

趨啓也

以歲之正儀禮天地和同禮記

王乃時巡書以觀民風禮記

駕言徂東詩至于岱宗書

吉日

欽宗崇也

令月吉日儀禮

曲阜縣志卷五十六 頌類

西

天子有事于太山春秋公羊傳新廟奕奕詩美哉輪焉禮記稱秩元祀

書升中于

天禮自天祚之易

眉壽萬年儀禮

至於魯釋奠先師也

越若來書至於魯論語大哉孔子論語

王敬作所書其香始升詩昭假于下詩叶敬教勸學春秋左氏傳光被

四表書叶

日新德澤溥優也

后克聖書德日新書事

親孝孝經故推恩孟子養衰老禮記皆引年禮記薄稅斂孟子匡之困春秋左

氏傳無小大論語仁其仁春秋穀梁傳仁者壽論語永綏民書

大比廓譽髦之化也

三年大比周禮率由舊章詩中年考校禮記申錫無疆詩利用賓

于

王易永錫爾類詩

壽考不忘儀禮

歲在寅介

慈壽也

太歲在寅爾雅

天子萬壽詩在卯爾雅受茲介福于其

王母易凡厥庶民書小大稽首詩兄兄弟弟易父子子詩

豐縣志卷五十六 頌類

五

莫不欣喜春秋左氏傳以祈黃耆詩

斂五福引無極也

天子巡守禮記考禮修德春秋穀梁傳大孝不匱禮記斂時五福詩

天之祐儀禮萬有千歲詩日進無疆易時萬時億詩

曲阜縣志卷之五十六終

曲阜縣志卷之五十七

知縣楚安鄉潘相修

聖蹟第五之一

男承熾編

至聖先師孔子其先出自黃帝子元囂元囂子曰蟠極蟠極子曰帝嚳帝嚳爲高辛氏生子契封於商傳十三世至湯而有天下傳二十九世至紂亾國周武王封微子啓於宋四傳有弗父何遜國於弟鮒祀而世爲宋卿何生宋父周周生世父勝勝生正考父考父歷佐戴武宣三公以恭稱得商頌十二篇於周太師歸以祀其先王考父生大夫孔父嘉五世親盡別爲公族乃以字爲孔氏魯桓公二年太宰華督弑其君與夷及孔父孔父生肇聖王木金父肇聖王生裕聖王罍夷父罍夸父或作祈父其子詒聖王防叔畏華氏之逼而奔魯

曹縣志五十七 聖蹟

一

孔氏始爲魯人詒聖王生昌聖王伯夏昌聖王生至聖父啓聖王王後娶顏氏禱於尼邱之山以魯襄公二十二年庚戌之歲十一月庚子日生孔子於魯昌平鄉陬邑實周靈王之二十一年也生而首上圩頂故因以命名及字云孔子年三歲父啓聖王卒葬魯防山之陰其後母啓聖王夫人卒亦祔焉孔子爲兒嬉戲常陳俎豆設禮容及長仕魯爲委吏料量平爲司職吏畜蕃息昭公十七年鄉子來朝知官名孔子年二十七歲見而學之明年學琴於師襄已而孟僖子病將卒屬其子仲孫何忌與南宮敬叔師事之魯君與孔子一車兩馬豎子侍御令敬叔與俱至周問禮於老聃訪樂於萇弘觀乎明堂觀四門墉有堯舜之容桀紂之象而各有善惡之狀

興廢之誠又有周公相成王負斧扆南面朝諸侯圖入后稷廟觀廟右階前金人三緘其口而銘其背喟然興歎自周反魯弟子稍益進昭公二十五年季孫意如與仲孫叔孫攻昭公公奔齊而魯亂孔子適齊齊景公讓登孔子降一等景公三辭然後登坐有頃左右白曰周使至言先王廟災孔子謂必厲王之廟使人問之果然在齊聞韶樂學之三月不知肉味既又與景公論政公大悅將封以尼谿之田晏嬰不可公惑之孔子遂行反乎魯定公初年季氏強僭陪臣陽虎作亂專國政故孔子不仕而退修詩書禮樂弟子益衆九年庚子孔子年五十一公山不狃因陽虎爲亂弗克陽虎入謹陽關以叛不狃亦以費畔召孔子孔子欲往而卒不行是年定公

豐縣卷五十七 聖蹟

二

以孔子爲中都宰制爲養生送死之節長幼異食強弱異任男女別途路無拾遺器不雕僞市不二價爲四寸之棺五寸之槨因邱陵爲墳不封不樹行之一年四方則之遂爲司空別五土之性而物其所生之宜咸得厥所尋爲司寇有父子訟者同狴執之三月不別其父請止赦之由是法設而不用國無奸民初季平子葬昭公於墓道南孔子溝而合諸墓焉十年辛丑相定公會齊侯於夾谷齊人歸魯侵地十三年癸卯使仲由爲季氏宰墮三都收其兵甲孟氏不肯墮成閭之不克十四年乙巳孔子年五十六攝行相事誅少正卯與聞國政三月魯國大治齊人饋女樂以沮之季桓子受之郊又不致膳俎於大夫孔子行適衛主於子路妻兄顏濁鄒家適

陳過匡匡人以爲陽虎而拘之既解還衛主遽伯玉家見南
子去適宋司馬桓魋欲殺之又去適陳主司城貞子家居三
歲而反乎衛靈公不能用晉趙氏家臣佛肸以中牟畔召孔
子孔子欲往亦不果將西見趙簡子至河乃還息乎陬鄉作
爲息陬操以哀之而反乎衛又主遽伯玉家靈公問陳不對
而行復如陳季桓子卒遺言謂康子必召孔子其臣止之康
子乃召冉求孔子如蔡及葉楚昭王將以書社封孔子令尹
子西不可乃止又反乎衛時靈公已卒衛君輒欲得孔子爲
政而冉求爲季氏將與齊戰有功康子乃召孔子而孔子歸
魯實哀公之十一年丁巳而孔子年六十八矣然魯終不能
用孔子孔子亦不求仕乃敘書傳禮記刪詩正樂序易彖繫

象說卦文言弟子蓋三千焉身通六藝者七十二人十四年
庚申魯西狩獲麟孔子作春秋明年辛酉子路死於衛十六
年壬戌四月己丑孔子卒年七十三公西赤掌葬焉哈以蔬
米三貝襲衣十有一稱加朝服章甫冠佩象環徑五寸而綦
組綬桐棺四寸柏槨五寸飾桐廬置娶設披設崇綢練設旒
兼三王之禮葬魯城北泗上藏入地不及泉而封爲偃斧之
形高四尺樹松柏爲志弟子皆服心喪三年而去惟子貢廬
於墓上凡六年弟子及魯人往從冢而家者百有餘室因命
曰孔里孔子生鯉字伯魚誕生之辰適魯昭公賜以二鯉榮
君之賜因以爲名與字魯君嘗以幣召辭疾不行年五十先

孔子卒

太史公曰詩有之高山仰止景行行止雖不能至然心嚮往
之余讀孔氏書想見其爲人適魯觀仲尼廟堂車服禮器諸
生以時習禮其家余低徊留之不能去云天下君王至於賢
人衆矣當時則榮沒則已焉孔子布衣傳十餘世學者宗之
自天子王侯中國言六藝者折衷於夫子可謂至聖矣愚按
史遷千古良史也尊孔子爲至聖百世勿之易而蘇氏顧譏
其疎略而輕信朱子亦謂其尊孔子不過見其表悅其外之
文實未知所折衷以今讀孔子世家猶信禮記稱檀弓知禮
弓與孔子同時述伯魚及子思子上事皆誕妄尤莫甚於諱
墓墓崩數節遷信之而爲野合之誣得罪於聖人甚矣其他
序次亦多龐雜不倫夫聖人之言行自論語所載外雖世稱

左氏之親受業亦往往失真若夾谷之會歸功孔子乃視孔
子若曹沫蘭相如然者於緩來動和過化存神氣象何如又
何論其他也紫陽論語集注錄世家削諸不雅馴語有旨哉
茲故圭臬之而稍有增益亦必考信於經傳其蕪雜者概不
敢錄云

曲阜縣志卷之五十七終

聖蹟第五之二

楊承煒編

復聖顏子其先出自黃帝之孫晏安爲曹姓國於邾邾武公名夷甫字伯顏子友別封邾爲小邾子遂以顏爲氏世爲魯卿大夫至孔子時而最盛孔門達者七十二顏氏八人復聖父無繇其一也無繇字路少孔子六歲孔子始教而受學焉以魯昭公二十八年生顏子顏子少孔子三十歲生而明睿深潛純粹具聖人之體初事夫子卽知聖道之高妙聞博約訓竭才力見卓爾前立欲從末由蓋一間未達焉夫子與之言終日有聽受無問難退則足以發問爲仁請事克復問爲邦聞百王不易法夫子亟稱之曰好學曰庶幾曰不遠復無

曲阜縣志卷五十八

聖蹟

一

祇悔曰擇乎中庸守不失曰三月不違仁曰語之不惰見其進未見其止曰用之則行舍之則藏惟爾我同夫子嘗命之仕曰回有郭外之田五十畝足以給饘粥郭內之田十畝足以爲線麻所學於夫子者足以自樂回不願仕也孔子善之居陋巷在今孔廟東北六百步簞瓢屢空不改其樂年二十九髮盡白以魯哀公十二年卒年三十二孔子哭之慟曰天喪子矣魯哀公弔使人訪於孔子孔子對曰禮君弔其臣升自東階向尸而哭其恩賜之施不有竿也葬魯城東防山之陽門人從顏路意葬甚厚

宗聖曾子其先爲鄒子之後吾人滅鄒遂去其鄒字之旁以爲氏曾子字子輿曾點之子少孔子四十六歲年十六父命

適楚從孔子學一十九歲聞一貫之傳孝於父母昏定晨省
調寒溫適輕重勉之於糜粥之間行之於衽席之上德美於
後世上食必有酒肉將徹必請所與問有餘必曰有小杖則
受大杖則走齊聘爲卿以親老辭嘗讀喪禮泣下沾襟一夕
五起視其母衣之厚薄枕之高卑其從夫子之在楚也以心
動而辭歸問其母母曰思爾故齧指孔子曰曾參之孝精感
萬里孔子因曾子志存孝道作孝經曾子又述聖經作大學
卒於魯子三人元申華孫西皆著聞韓愈曰孟軻師子思子
思之學蓋出曾子自孔子沒羣弟子莫不有書獨孟軻氏之
傳得其宗故元人稱曾子爲宗聖焉曾子居魯高門外梟不
入郭見水經注其南卽沂水舞雩爲曾子父風浴詠歸處今
其故址尙可考也

曹縣卷五十八

聖蹟

二

述聖子思子幼侍孔子孔子喟然而嘆子思再拜請曰意子
孫不修將黍祖乎美堯舜之道恨不及乎孔子曰爾孺子安
知吾志對曰伋亟聞夫子之教其父析薪其子弗克負荷是
謂不肖伋每思之所以大恐而不解也孔子欣然笑曰然乎
吾無憂矣世不廢業其克昌乎已而受業於曾子於道統之
傳獨得其宗作中庸嘗言今諸侯方欲力爭競招英雄以自
輔不自高人將下吾不自貴人將賤吾不肯毀道以求容於
是往來於齊魯宋衛之間而所如卒不合其在魯也告穆公
以惠百姓除非法毀不居之室以賜窮民奪嬖寵之祿以振
困匱慕周公伯禽之治行其政化開公家之惠杜私門之利

公甚尊禮之魯人有公儀僭者子思與之友穆公欲因以爲相許參分魯國而與之一子思辭之語在隱逸傳穆公謂子思子書所記夫子之言於事無非或謂爲子之辭子思曰臣所記臣祖之言或親聞之或聞於人雖非正辭猶不失其意且無非乃得臣祖之意卽臣辭無非亦所宜貴事旣不然又何疑焉齊間邱温見田氏將必危齊欲以其邑叛而適魯穆公謂子思曰子能懷之則寡人割邑如其邑以償子子思曰彼爲人臣君將顛弗能扶而叛之逆臣制國弗能以其衆死而逃之伋縱不能討而又忍要利以召姦乎穆公亟見子思欲以爲相子思不願去魯居衛言苟變於衛君曰其材可將五百乘君曰吾知其材可將然變也嘗爲吏賦於民而食人

二雞子以故弗用也對曰夫聖人之官人猶大匠之用木也取其所長棄其所短故杞梓連抱而有數尺之朽良工不棄今君處戰國之世選爪牙之士而以二卵焉棄千城之將此不可使聞於鄰國也衛君言計非是而羣臣和者如出一口子思謂衛君曰君之國事將日非矣君出言皆自以爲是而卿大夫莫敢矯其非卿大夫出言亦皆自以爲是而士庶人莫敢矯其非君臣旣自賢矣羣下同聲賢之賢之則順而有福矯之則逆而有禍如此則善安從生詩云具曰予聖誰知烏之雌雄抑亦似衛之君臣乎子思遊齊齊王語子思以圖帝子思曰不可君不能去貪利之心又謂王因心之忿遷戮不辜實傷於義王說其言而不改子思反於衛衛君終不能

用乃反魯教授其徒數百人而道卒傳於孟子

亞聖孟子字子輿一字子車魯公族孟孫之後也父激字公宜母仇氏孟子三歲喪父母有賢德挾其子以居始舍近墓孟子嬉戲爲墓間事踴躍築埋母曰此非所以居吾子也乃去舍市傍其嬉戲爲賈衍事母又曰此非所以居子也遂徙舍學宮之旁其嬉戲乃設俎豆揖讓進退母曰此真可以居子矣遂居之已而受業子思之門人道旣通周顯王三十三年應魏聘見惠王居十八年惠王不果所言則見以爲迂遠而濶於事情慎覲王二年乃去魏適齊事宜王又八年宣王不能用當是之時秦用商鞅楚魏用吳起齊用孫子田忌天下方務於合從連橫以攻伐爲賢而處士楊朱墨翟之言盈

天下孟子乃述唐虞三代之德推明孔子之道以正人心息邪說爲己任是以所如者不合遂致爲臣於齊而歸喟然歎曰夫天未欲平治天下也如欲平治天下當今之時舍我其誰哉及卒門人公孫丑萬章之徒相與記其所言爲書七篇韓愈曰斯道也堯以是傳之舜舜以是傳之禹禹以是傳之湯湯以是傳之文武周公傳之孔子孔子傳之孟軻又曰求觀聖人之道者必自孟子始又曰孟子之功不在禹下謹按史記載孔子弟子異能之士七十七人首列德行政事言語文學仍以顏子爲之首而居曾子於顓孫之後後代惟顏子先配食次及孟子至南宋度宗咸淳三年詔曰孔子獨稱顏回好學固非三千之徒所同也而其學不傳得聖傳者

獨曾子曾子傅子思子思傳孟子忠恕兩語深契一貫之旨中庸一書丕闡前世之蘊而孔子之道益著向非顏曾思孟相繼演繹著書垂訓中更管商楊墨佛老幾何其不遂哉今大成惟顏孟侑食曾思不預尙爲闕典先皇帝述道統之傳自伏羲以來著十三贊孔子而下顏曾思孟昭然具在其非以遺我後人乎乃封曾參鄒國公子思沂國公與顏孟並配享而元人猶未用其制也延祐三年始以御史中丞趙世延之言春秋釋奠以顏曾思孟配享自是厥後勿之有易至明嘉靖時釐正祀典四配稱復聖顏子宗聖曾子述聖子思子亞聖孟子

國朝因之今考曾子爲南武城人永豐曾氏以爲卽今嘉祥縣

曲阜縣志卷五十八 聖蹟

五

而王雅量辨之謂實今之費縣孟子則固鄒人也余謂曾子居於斯終於斯孟子發祥之里相傳卽今鳧村與孟母墓皆毗連邑小薛村鄒本邦爲魯附庸漢以後俱隸魯郡

明顏祖禹讀史

方輿紀要云孟子墓在曲阜縣南四十里四基山陽本屬鄒縣唐貞觀中割入縣境

蓋終古憑依焉故敬述四配聖蹟繼吾夫子云

曲阜縣志卷之五十八終

賢躅第六之一

男承炳編

先賢閔子名損字子騫魯人少孔子十五歲不仕大夫不食汙君之祿以德行著孔子稱其孝焉

先賢冉子名耕字伯牛魯人以德行著名常爲中都宰遭惡疾卒朱彙尊曰按聖門志闕里廣志稱伯牛少孔子七歲不審何據

先賢冉子名雍字仲弓伯牛之族少孔子二十九歲父賤行惡而不能掩其德

先賢宰子名子字子我魯人利口辯辭爲孔子使於楚楚昭王以安車象飾因子我以遺孔子子我曰夫子無以此爲也

曲阜縣志卷五十九

賢躅

一

夫子言不離道動不違仁貴義尙德清素好儉故知其無用此車也君誠能行其道則夫子雖徒行猶可而何辱重貺爲昭王曰乃今而知孔子之德也大矣哉子我歸以告孔子子貢曰未盡夫子之美也夫子德高則配天深則配海若子之言行事之寔也子曰夫言貴寔使人信之舍寔何稱乎賜之華不若子之寔也

先賢端木子名賜字子貢衛人少孔子三十一歲齊景公問曰仲尼賢乎對曰聖人也景公曰其聖如何對曰不知也臣之事仲尼譬就江海而飲之滿腹而去固不知江海之深也定公十五年邾子來朝執玉高其容仰公受玉卑其容俯子貢曰二君者皆有死亡焉高仰驕也卑俯替也驕近亂替近

疾君爲主其先亡乎已而果然田常欲作亂於齊而憚高國鮑晏因移其師以伐魯孔子曰夫魯父母之國不可不救二子子誰爲使者子貢請行孔子許之卒以存魯而亂齊鄙之會吳人召季康子康子使子貢辭太宰嚭曰國君道長而大夫不出門此何禮也對曰豈以爲禮畏大國也寡君旣共命矣其老豈敢棄其國橐臯之會吳欲尋盟公不欲使子貢對曰寡君以爲苟有盟焉弗可改也已若猶可改曰盟何益今必曰尋盟若可尋也亦可寒也乃不尋盟哀公十五年介子服景伯如齊齊人歸成子貢好廢舉與時轉貨貲喜揚人之美不能匿人之過常相魯衛家累千金卒終於齊

先賢冉子名求字子有仲弓之族少孔子二十九歲有才藝

曲阜縣志卷五十九

賢獨

二

以政事著名爲季氏宰清之役用矛於齊師故能入其軍孔子曰義也

先賢仲子名由字子路亦曰季路卞人少孔子九歲性鄙好勇力志伉直冠雄雞佩犴豚陵暴孔子孔子設禮誘子路子路後儒服委質爲弟子仕魯爲季氏宰後爲衛蒲邑大夫孔子過之稱善者三蒯聵之劫孔悝也子路爲衛大夫聞之馳而往子羔止之不可入造蒯聵蒯聵與孔悝登臺子路曰君焉用孔悝雖殺之必或繼之且曰太子無勇若燔臺必舍孔叔蒯聵懼乃下石乞壺廩攻子路以戈斷其纓子路曰君子死冠不免遂結纓而卒

先賢言子名偃字子游吳人少孔子四十五歲仕魯爲武城

宰以禮樂化民

先賢卜子名商字子夏衛人少孔子四十四歲家語作四十五歲以文學著名爲人性不安好論精微時人無以尙之孔子沒子夏教授於西河爲魏文侯師子夏受春秋於孔子而傳之門人公羊高穀梁赤又傳禮而毛詩之學亦推本於子

夏二五

先賢顓孫子名師字子張陳人少孔子四十八歲爲人才高意廣而好爲苟難門人友之而弗敬

先賢有子名若字子若魯人少孔子十三歲古本家語云二十三歲今本家語作三十六歲吳之伐我也微虎欲宵攻吳王私屬七百人三踊於幕庭卒三百人有若與焉吳子聞之

曲阜縣志卷五十九

賢屬

三

一夕三遷有若爲人強識好古孔子沒門人以有若之言似夫子欲以所事孔子事之曾子不可乃止

先賢顏氏名無繇字季路少孔子六歲

先賢曾氏名點字子皙史記作蒧魯南武城人

先賢澹臺滅明字子羽武城人少孔子三十九歲狀貌甚惡旣受業孔子退而修行設取予去就名聞乎諸侯南遊至江弟子從者蓋三百人孔子曰以貌取人失之子羽家語謂其有君子之姿公正無私

先賢宓不齊字子賤魯人少孔子四十九歲仕爲單父宰反命於孔子曰此國有賢於不齊者五人教不齊所以治者子曰惜哉所治者小也所治者大則庶幾矣齊攻魯道出單父

單父人請放民穫麥子賤不許既而齊人遠於麥季孫使讓之對曰今茲無麥明歲可樹若使不耕者穫是使民樂有寇也得單父一歲之麥於魯不加強若使民有自取之心其創將數世不息季孫愧其言而止

先賢原憲字子思宋人鄭康成曰魯人少孔子三十六歲清靜有守貧而樂道孔子卒原憲隱在草澤中子貢相衛結駟連騎排藜藿入窮閭過謝原憲攝敝衣冠見子貢曰夫子病乎憲曰無財謂之貧不能行道謂之病憲貧也非病也子貢慚而去終身恥其言之過也

先賢公冶長字子長魯人名長爲人能忍恥范甯云字子芝史記云齊人張華曰長墓在城陽姑幕城東南五里所墓極

高

先賢南宮适家語作縮史記作括字子容卽南容也魯人

先賢公皙哀字季次家語作克字季沉齊人孔子曰天下無行多爲家臣仕於都惟季次未嘗仕

先賢商瞿字子木魯人少孔子二十九歲受易於孔子傳楚

人馯臂子弘漢書作子弓弘傳江東人矯子庸疵疵傳燕人周子

家豎豎傳淳於人光子乘羽羽傳齊人田子莊何何傳東武

人王子中同傳菑川人楊何按漢書與史記字多異茲從史記著述志從漢書

先賢高柴字子羔齊人後居於魯少孔子三十歲爲成宰成

人化之爲衛士師別人之足及蒯聵之亂子羔走郭門別足者門焉謂子羔曰彼有缺子羔曰君子不踰又曰彼有竇子

羔曰君子不竇又曰彼有室子羔入之既免子羔曰吾則子而子逃我何也對曰別足固我之罪也然子固欲我之免於法也而不敢私也故愀然於顏色也此吾所以脫子也孔子曰善哉仁恕之吏也其子羔乎

先賢漆雕開字子開魯人家語云蔡人字子若少孔子十一歲習尚書不樂仕

先賢樊須字子遲魯人少孔子三十六歲清之役冉有使須爲車右季孫曰須也弱冉有曰就用命焉師及齊師戰於郊齊師自曲棘師不踰溝樊遲曰非不能也不信也請三刻而踰之如之敗齊師

先賢司馬耕字子牛宋人桓魋之弟也魋作亂奔衛牛致其

曲阜縣志卷五十九

賢屬

五

邑與其珪焉而適齊魋自衛入齊牛又致其邑焉而適吳吳人惡之而反卒於魯郭門之外阮氏葬諸邱輿

先賢商澤字子秀一作子季魯人

先賢梁鱣或作鯉字叔魚齊人少孔子二十九歲

家語作三十

先賢巫馬施字子期史記作旗鄭康成曰魯人少孔子三十歲爲

單父宰子賤之治單父也身不下堂而單父治子期以星出以星入而單父亦治他日問於子賤子賤曰我任人子任力任人者逸任力者勞子期曰是施之未至也

先賢冉孺字子魚

或作魯

魯人少孔子五十歲

先賢顏辛史記作幸或作柳或作韋字子柳魯人少孔子四

十六歲

先賢伯虔家語作處字子析家語作哲魯人少孔子五十歲

先賢曹卹字子循蔡人少孔子五十歲

先賢冉季字子產魯人

先賢公孫龍字子石楚人家語曰衛人正義曰趙人少孔子五十三歲子

貢問子石曰子不學詩乎子石曰吾暇乎哉父母求吾孝兄

弟求吾悌朋友求吾信吾暇乎哉子貢曰請投吾師以學於

子

先賢漆雕徒父字子友子一文魯人

先賢秦商字子丕一作丕慈一作丕茲魯人少孔子四歲

先賢漆雕哆字子歛魯人

先賢顏高史記索隱云家語名產今本家語作顏刻字子驕魯人少孔子五十歲

曲阜縣志卷五十九 賢蜀

六

先賢公西赤字子華魯人少孔子四十二歲

先賢壤駟赤字子徒秦人

先賢任不齊字子選楚人

先賢石作蜀家語作石之蜀一作石子蜀字子明秦人

先賢公良孺儒一作儒字子正陳人賢而有勇孔子之被圍於蒲

子正鬪甚疾蒲人懼乃出孔子

先賢公夏首家語作守字子乘魯人

先賢公肩定家語作公肩字子仲史記肩作堅字子中或作

公有魯人或曰衛人或曰晉人

先賢后處字里之史記云字子里齊人

先賢鄒單或作單字子家史記有家語無

先賢奚容蒧字子皙家語作奚蒧字子偕一作子楷魯人正義曰衛人

先賢罕父黑字子索今本家語作宰父黑字子黑或作子素魯人

先賢顏祖今本家語作相字子襄史記云字襄魯人古本家語無

先賢榮旂字子祺今本家語作祁古本家語云字子顏魯人先賢句井疆今本家語云字子界古本家語云字子疆衛人

先賢左人郢家語作左郢字子行史記云字行魯人先賢秦祖字子南秦人

先賢鄭國字子徒家語作薛邦字子從魯人司馬貞曰邦作

曲阜縣志卷五十九

賢蜀

七

國者避漢高諱薛曰鄭者字譌也朱彛尊謂鄭國薛邦寔爲兩人

先賢縣成字子祺今本家語云字子橫魯人先賢原亢字子藉史記作原亢藉古本家語作原亢字藉一作原桃魯人

先賢公祖句茲字子之家語作公祖茲魯人先賢廉潔字子庸今本家語作子曹衛人

先賢燕伋字思古本家語作綬字子思秦人先賢叔仲會一作噲字子期魯人鄭康成曰晉人少孔子五

十四歲與孔璇年相比侍於夫子孟武伯問曰此二孺子於

學豈能盡識於壯者乎孔子曰然少成若天性習慣如自然

也

先賢樂欵家語作樂欣字子聲魯人

先賢公西輿如今本家語作公西與字子上魯人

先賢狄黑字皙之史記云字皙一作子皙衛人

先賢邾巽字子歛家語作邾選字子飲一作國選一作邾巽

魯人

先賢孔忠今本家語作弗字子蔑孔子兄孟皮子

先賢陳亢字子亢說文作伉一字子禽陳人少孔子四十歲

或曰亢子貢弟子家語有史記無

先賢公西蒧字子尙史記云字子上魯人

先賢栾牢字子開一字子張衛人家語史記無

曲阜縣志卷五十九 賢屬

八

先賢顏之僕字子叔史記云字叔魯人

先賢步叔乘字子車一作少叔齊人

先賢施之常字子恒家語作子常魯人

先賢秦非字子之魯人

先賢申枏家語作申續又作申續字子周史記作申棠或曰

卽申棠或曰申枏字子續魯人或曰申枏申續申棠一人也

朱彛尊曰唐宋皆作兩人

先賢顏噲字子聲魯人

先賢左丘明魯人爲魯太史著春秋內外傳

先賢顏何字冉古本家語云以字稱魯人史記有今本家語

無

先賢秦冉字子開史記有家語無

先賢縣直索隱作縣豐廣韻注作縣直父字子乘魯人家語
有史記無或云卽史記之鄒單也

先賢牧皮年字里居無考家語史記皆不載趙岐曰牧皮事
孔子學者

謹按史記載聖門弟子受業身通者七十有七人而琴張陳
亢縣直牧皮皆不與焉家語亦列七十七人有琴牢陳亢縣
直無公伯寮秦冉鄒單近日秀水朱爨尊增至九十七人臆
爲序次闕里文獻考則從家語予旣敬遵

今制祀典升四配於聖蹟故以十一哲爲賢躅之首次以配食

崇聖祠之顏曾二氏又次皆依兩廡之序若朱子與蘧瑗林

曲阜縣志卷五十九 賢躅

九

放公都子樂正克以下從祀之賢儒以非孔子弟子故不列

載自閔子而下孔子弟子共七十九人爲魯人者蓋五十三

人焉端木氏以下雖非魯產而生陪函丈沒配宮墻聖師賢

弟子精靈依倚與天地相終始者長繫於尼防洙泗間寧得

以他邦人外之哉於戲士君子亦何幸而遊於聖人之門哉

又按爨尊弟子考增多魯人林放本蜀禮殿圖魯人公伯寮本馬融注

魯人孺悲本論語禮記魯大夫子服景伯本漢魯峻石壁畫像魯人竇牟賈

本樂記又有不能確指其里居者孔璇本家語廉瑀本禮殿圖公罔之

裘序點本禮記衛司寇惠叔蘭本家語常季本莊子鞠語本晏子春秋齊

大夫顏涿聚本呂覽又益以仲孫何忌謂仲孫閱與南容各爲

一人非卽南宮适又以申續申棠薛邾皆各爲一人又爲孔

子門人考其爲魯人者曰成回子路門人也行恭謹子路問
之對曰行者比于鳥上畏鷹鷂下畏網羅夫人爲善者少爲
讒者多若身不死安知禍罪之不施回是以常恐節行之虧
子路曰君子哉樂正子春魯人鄭康成曰曾子弟子檀弓魯
人善于禮胡寅曰曾子門人纂修論語沈猶行魯人趙岐曰
曾子弟子

曲阜縣志卷之五十九終

曲阜縣志卷五十九

賢蹟

十

